


特31

918

宇多天皇事記 史料

五







史料卷之十四

宇多天皇事記第八起寬平六年正月盡十二月

寬平六年 甲寅

正月小 乙丑朔

三日卯播磨權守高藤叙從三位事

公卿補任云藤高藤寬平二年二月廿七日叙從四位下四年正月廿三日任播磨權守六年正月三日叙從三位按又見一

年正月三日叙從三位按又見一

七日辛未參議有實等加階事

公卿補任云參議正四位上藤有實左中將正月七日叙從三位參議正四位下藤國經皇

太后宮大夫正月七日叙從三位按又見古今集目錄


賜宗于王源姓事

三十六人歌仙傳云源朝臣宗于光孝天皇孫式部卿是忠親王男寬平六年正月七日叙

從四位下王氏改姓為臣按古今集目錄同之

二月大 甲午朔

八日辛丑祭主有本卒事





類聚大補任云祭主正五位上行神祇大副有本二月卒

大神宮例文云祭主有本清磨六男今磨孫常陸少掾雄良男貞觀十四年任在任廿二年

寬平六年二月八日卒

按大中臣氏系圖同之

大中臣氏系圖裏書云貞觀十二年豐雄卒同十三年祭主關職同十四年有本補祭主少

副從五位下也同十六年正月補大副元慶元年從五上同八年正五下

大會寬平元年十一月正五位上大會同六年卒

類聚國史云元慶元年十一月廿一日戊午授散位從五位下田口朝臣緣範神祇大副大

中臣朝臣有本並從五位上八年十一月廿五日壬午授從五位上安倍朝臣興行神祇大

副大中臣朝臣有本並正五位下

三代實錄云元慶三年七月五日癸巳以正五位下守權左中辨藤原朝臣春景從五位上

行神祇大副大中臣朝臣有本等任伊勢齋內親王裝束司

按有本從此日至五年九月十一日往々見本書其位署皆與

此同只四年二月五日下午為五年十一月十一日乙卯遣散位從五位上大中臣朝臣有本

正五位下疑傳寫之誤也

等奉幣於太神宮六年九月十三日壬午遣武藏權守從五位上弘道王向伊勢太神宮奉

幣去十一日可發此使內裏犬產故從停廢於是神祇大副從五位上大中臣朝臣有本言

元慶元年內裏犬產十一日停奉幣使十二日發遣大外記正六位上巨勢朝臣久宗言犬

產之穢當忌三日元慶元年九月九日犬產十一日忌限既滿十二日前散齋十三日致齋

十四日後散齋然則今月十日犬產忌限滿日在前散齋相議外記所執有理然而所司行

事幣物既備仍從有本之言仁和二年六月廿三日辛未任伊勢齋內親王裝束司正五位

下行神祇大副大中臣朝臣有本左近衛少將正五位下兼守左中辨行備前權介藤原朝

臣有穗六位已下六人

按本史不載有本任除姑抄之以備參考

廿二日卯令准耕田數班舉正稅事

類聚三代格云太政官符應准耕田數班舉正稅并有對捍輩即科其罪事右得紀伊國解

俚檢案內此國調庸租稅并年料雜米及例貢雜交易等色其數猥積遷代國司無力辨濟

空過秩限遂為身煩伏尋由緒總依民不堪躬耕沽却口分田也方今良田多歸富豪之門

出舉徒給貧弊之民收納難濟官物自失因斯前國吏等推量田疇之數班舉買耕之人而

或諸司官任雜任并良家子弟內外散位以下及諸院諸宮王臣勢家人等多接部內領作

田地至于班舉正稅偏恃官位及本主對捍國司曾無承引望請官裁不論土浪貴賤准耕

田數段別五束以上班舉正稅若有對捍輩者勘收所營之獲類填補不足之官稻以為懲

肅曾不寬縱謹請官裁者中納言兼右近衛大將從三位行春官大夫藤原朝臣時平宣奉

勅依請若懲肅之後猶不悛改京戶子弟及浪人者依寬平三年九月十一日格勸還本鄉



及移配遠所不復留任其當國人怙終之者不論有官無職及院宮勢家人錄名言上殊處  
重科諸國若有此類同亦准之寬平六年二月廿二日按政事要畧天曆元年宣旨引此符為廿三日  
是月彗星出事

文在

三月小 甲子朔

三日丙寅曲水宴事

菅家文章有勅賜視上已櫻花御製之詩敬奉謝恩旨不啻看櫻也惜春紅粧寫得玉章新  
徽臣縱得陪遊宴當有花前腸斷人  
是春於中殿詩御會事

菅家文章詠梅花應製寬平六隨處有梅摠可憐不如獨立月明前香風豈管花吹出半是清

涼殿裏煙按此會據本集次第在正二兩月間

四月小 癸巳朔

十六日戊申參議國經兼太宰權帥事

公卿補任云參議正四位下藤國經皇太后宮大夫正月七日叙從三位四月十六日兼太宰權帥

古今集目錄云藤原國經寬平六年正月七日從三位四月十六日兼太宰權帥大夫如元

十八日庚戌大中臣安則任祭主事

類聚大補任云祭主正六位上行神祇權大祐大中臣安則四月十八日任在任卅九年祭主子老孫道雄男也

大神宮例文云祭主安則子老卿孫伯耆大掾道雄六男寬平六年四月任

大中臣氏系圖裏書云安則寬平六年四月補祭主權大祐正六位上也

廿五日丁巳大江千里奉句題和歌事

句題和歌序云臣千里謹言去二月十日參議、朝臣傳勅曰古今和歌多少獻上奉命以後魂神不安臥重病延以至今臣儒門餘孽側聽言詩未習艷辭不知所為今臣纔搜古句構成新歌別亦加自詠十首摠百廿首悚恐震懾謹以舉進豈求駭目只欲解頤千里誠恐誠懼謹言寬平六年四月廿五日散位從五位上大江朝臣千里

是月新羅賊來事

一代要記云寬平六年甲寅四月新羅賊船來按又見日本選上錄攝陽曉筆

扶桑畧記延喜十八年十月十五日下午云故老云寬平六年二月彗星見四月新羅賊來損

人物撥吏民



和漢合符云寬平六年甲寅四月賊船七万二千艘來按如是院年

五月大壬戌朔接長曆以前月為大以是月為小右記有寬平

五日丙寅參議國經任權中納言事

公卿補任云參議正四位下藤原經皇太后宮大夫正月七日叙從三位四月十六日兼太

宰權帥五月五日任權中納言

古今集目錄云藤原國經寬平六年五月五日任權中納言大夫權帥如元按又見一代要記

古今集云大納言藤原のくみはねの朝臣宰相より中納言より能有なる時みそえぬう

へ乃き忍れあやをわくるとてよめるを院の右近衛はいもうち君色かると人やこ

るトん昔よりふあき心みそえてし物を

八日己卯賜權中納言國經隨身事

一代要記云藤原國經寬平六年五月五日任權中納言同日賜左右近衛左右兵衛八人

為隨身

十二日癸酉禁貴賤乘車事

政事要畧云寬平六年五月十二日官符云男女有別禮敬殊著而頃年上下摠好乘車非

施新制何改弊風左大臣宣奉勅不論貴賤一切禁制者親王公卿摠制乘車明經學生秦

維興依輒乘車被斷其罪即處違式之科

是月唐客入朝事

扶桑畧記云寬平六年甲寅五月唐客舍詔入朝

六月小壬辰朔

一日壬辰令同率紀伊國神戶官戶課丁事

類聚三代格云太政官符應同率神戶官戶課丁事右得紀伊國解併檢案内官戶課丁少

數常煩所司勘出尋彼田緒官戶悉為神戶百姓之所致也何者此國有封神社摠十一處

所充封戶二百卅二烟可有正丁千二百七十六人此則依式每戶以五六人所率之數也

而今神戶所領正丁之數或戶十五六人或戶二三十人官戶所有課丁之數或戶僅一二

人或戶曾無課丁詳檢其田神戶課役頗輕官戶輸貢尤重因斯脫彼重課入此輕役謹案

式云戶以正丁五六人為一戶其神寺封丁若有增益者隨即減之死損者不須更加而國

造并禰宜祝等寄事神祇曾無改正積慣之漸忽然難變望請不論神戶官戶總計國內課

丁每戶同率貫附辨定之後若有輒改替者尋其所由依法科罪謹請官裁者右大臣宣依

請寬平六年六月一日按政事要

廿二日癸丑史生巨勢有野為後院使間給上日事



類聚符宜抄云史生巨勢有野右被大納言正三位兼行左近衛大將皇太子傳陸奧出羽按察使源朝臣能有宣云件人遣後院使經使之間給上日者寬平六年六月廿二日少外記多治宗範奉

廿七日戊午傳燈大法師濟棟任東大寺別當事

東大寺別當次第云傳燈大法師濟棟己寬平六年六月廿七日官符年六十七薦十八法

相宗本寺唐禪院

七月小 辛酉朔

一日辛酉聽左大臣融等乘車事

古今集目錄云河原左大臣源融寬平六年七月一日有許車勅

公卿補任云左大臣從一位源融年七十三七月勅許車右大臣從二位藤良世年七十三七月勅許車

七日丁卯七夕御會事

管家文章同紀大谷雄發詔奉和御製七夕祈秋穗詩之作非書非劔我君明千尺願絲一箇情珍重素風初七夕待來銅雀第三聲佳期恰似時難遇巧思祈同月易盈偏祝西成兼所感四騶晝夜破行程

十六日丙子禁諸院官等使強雇船車人馬事

類聚三代格云太政官符應禁止諸院諸官諸司諸家使等強雇往還船車人馬事右得上總越後等國解併得諸郡調綱郡司并雜掌綱丁等解併進上調物以馱為本運漕官米以船為宗而上道之日前件諸院等使結黨路頭追妨馱馬率類津邊覆奪運船於是有心逐馬無顧彼荷官物致欠失之煩綱領陷逗留之責加之部內百姓差預綱領之日苦此盪惡逃竄他境國之弊亡莫過於斯望請下知路次諸國示休民愁謹請官裁者大納言正三位兼行左近衛大將皇太子傳陸奧出羽按察使源朝臣能有宣如此之事格制先立會無懲蕭責在國宰宜下知尾張參河遠江駿河近江美濃越前加賀能登伴等諸國特施嚴制一切禁斷若有強雇者准之強盜科罪其身者諸國承知榜示路頭津邊莫令重然寬平六年七月十六日按一本為廿六日

廿二日壬午太政官賜在唐僧中璫報牒事

管家文章奉勅為太政官報在唐僧中璫牒太政官牒在唐僧中璫報上表狀牒奉勅省中璫表悉之久阻兵亂今稍安和一書數行先憂後喜整源茶等准狀領受誠之為深溟海如淺來狀云温州刺史朱褒特發人信遠投東國波浪眇焉雖感宿懷稽之舊典奈容納何不敢固疑中璫消息事理所至欲罷不能如聞商人說大唐事之次多云賊寇以來十有餘年朱褒獨全所部天子特愛忠勤事之髣髴也雖得由緒於風聞苟為人君者孰不傾耳以悅



之儀制有限言申志屈迎送之中披陳旨趣又頃年頻災資具難備而朝議已定欲發使者辨整之間或延年月大官有問得意叙之者准勅牒送宜知此意沙金一百五十小兩以賜中璫旅庵衣鉢適支分銖故牒寬平六年七月廿二日是月於仁壽殿相撲召合事

西宮記云承平三年七月廿四日貞公御記云仁壽殿前有相撲召合有音樂立合等是寬平六年例也參議已上候殿上檢彼寬平例參議陪階下者按小月以廿七八日為式日此月亦必在兩日間

北山抄仁壽殿相撲召合條云承平三年依南殿頻有物恠御此殿有音樂立合寬平六年例也按江家次第同之

八月大 庚寅朔

四日癸巳定雜米未進罪事

類聚符宣抄云太政官符應依雜米未進斷非國郡司返國司解由事右左大臣奏狀備日者大炊廩院數口無庫尋其由緒誠緣未進凡年料白米者以大稅利稻諸國春進一年應納萬八千石而或年見納六七千石或年纔八九千石然則既欠三分之一何支百僚之用伏見格條寶龜元年四年頻垂法制云諸國雜米未進數多既關國用事須掾領已上專當其事史生以上充綱領送若有未進無問多少國司史生已上皆奪公麻主典已上並即貶

考專當官者解却見任郡司主帳以上咸取職田解任貶考亦同國司延曆十四年格云依少奪多事實不穩而斛米疋絹一物未進偏稱格式悉奪公麻於事思量深乖弘恕自今以後宜國司史生已上各作差法准未進數割其公麻隨色辨備進納京庫據件等格隨未進誤公麻雖載延曆之格罪專當貶綱領尚存寶龜之制今之所庶專當國司罪如始制綱領史生亦解却見任其國司進解由之日知無未進及後収之者中納言兼右近衛大將從三位行春宮大夫藤原朝臣時平宣奉勅依請寬平六年八月四日十一日庚子檢非違使別當光等請官人加階事

政事要畧云檢非違使請被特授六位官人等事左衛門少志正七位下水車貞槐府生正七位上當世宿禰基宗右衛門少志正七位下惟宗朝臣善經右謹檢案内七位已下者補檢非違使之日特授六位望請依承前例將被特授謹請寬平六年八月十一日右衛門權佐源朝臣當時左衛門權佐源朝臣唱別當中納言兼左衛門督源朝臣光

於叡山常行堂始修引聲念佛事

帝王編年記云寬平六年甲寅八月十一日常行堂始修引聲念佛彼引聲念佛者國仁覺大師於大唐清涼山謁法道和尚所傳給也極樂法音也歸朝之時於船上三尊顯現令傳成就如是也節給矣



山門堂舍記云常行堂別記云寬平五年奏宇多天皇、慈覺大師行法始行三世常住大念佛也寬平六年八月日持念堂和尚猷憲之時始行不斷念佛

四大寺傳記云常行堂安置阿彌陀佛像寬平五年靜觀僧正顯作大威德建立之寬平七年始念佛又安置千手觀音廿八講五時講每年行之按三書各有異同未知孰是

廿一日庚戌參議道真等補遣唐使事

扶桑畧記云八月廿一日甲寅遣唐大使參議左大辨兼勘解由長官菅原道真五十遣唐

副使紀長谷雄四十九〇按甲寅當作庚戌

公卿補任云參議從四位下菅道真左大辨式部權大輔春宮亮勘解由長官八月廿一日

兼遣唐大使按又見一代要記大鏡裏書古今集目錄

又尻付云源昇寬平五年正月廿一日叙從四位下二月廿二日補藏人頭轉左中弁木工

頭美濃權守等如元六年八月兼遣唐裝束使

拾芥抄云寬平六年任遣唐使紀不遂前途其後無沙汰

古今集云寬平御時あもろのはう官よめされて侍ける時東宮のさふらひよ

てをのこととさげうへけるはいてよよみ侍ける藤原たくふさなよ竹のよなり

のき上の初霜のおさるてをのをおもふ比哉

停能登國史生一員置修師事

類聚三代格云太政官符應停史生一員置修師事右得能登國解備此國獨出北海東西

不隣若有非常誰備防禦望請准越後佐渡等國被置件職者大納言正三位兼行左近衛

大將皇太子傳陸奥出羽按察使源朝臣能有宜奉勅依請寬平六年八月廿一日

廿二日辛亥天台座主猷憲入滅事

園城寺長吏次第云猷憲內供阿闍梨智證弟子下野國人寬平六年八月廿二日滅年六

十八按扶桑略記為廿三日天台座主記同本書帝王編年記為二日者似脫廿字

天台座主記云內供奉阿闍梨猷憲持念治山一年下野國鹽屋郡人師主智證大師隨大

師受法種頂德圓講師弟子承和十四年月日受戒年二十一寬平五年三月廿五日任座

主六年六十七蕩四十七同六年八月廿二日卒年六十八

圓珍和尚傳云寬平三年春二月和尚俄語門弟子曰我今年將終我所傳三部大法宜求

其人而傳之其年五月即經奏聞蒙官牒傳授三部大法於猷憲康濟兩大法師以為三部

阿闍梨為不斷佛種也

是月大法師康濟任園城寺長吏事

園城寺長吏次第云康濟權律師光定弟子越前國人寬平六年任



僧官補任云康濟律師寬平六八任治三年按二中國歷作慈鏡且為九月任

九月大庚申朔

五日甲臨時奉幣事

西宮記云寬平六年九月五日此日被奉伊勢太神宮臨時幣

又云寬平六年九月天皇御大極殿乾角奉幣諸社

新羅賊船到着對馬島事

文在十

九日戌重陽宴事

管家文章重陽節侍宴同賦天淨識賓鴻應製秋風拂拭易排虛道路依晴稚羽初碧玉裝  
箏斜立柱青苔色紙數行書時霜唯痛頻寒着沙漠不知幾里餘賓雁莫教人意動向前旅  
思欲何如

類聚句題抄天淨識賓鴻紀納言銀漢浪晴橋不斷紫微雲破陣初橫尋聲得識多賓客逐  
影相看幾弟兄同題統理平青靄盡時辭北土絳霞殘處客南中聲懸碧落驚天斗影點銀  
河亂暮虹同題高五常數行成陳添嚴仗群輩差肩亞侍臣候節遙過溟海曲隨陽自屬帝  
王津

十日己重陽後朝事

管家文章賦雨夜紗燈應製并序官人入夜殿上舉燈例也于時重陽後朝宿雨秋夜微光  
隔竹疑殘螢之在藜孤點籠紗迷細月之擘霧臣等五六人奉勅見之見之不足應製賦之  
云爾謹序紗燈一點五更迴不要寒雞曉漏催晴誤穿雲星乍見秋疑冒雨菊新開耳聞落  
淚兼聞曲手勸微心且勸盃每憶脂膏多渥潤那勝恩澤繞身來

十一日庚依穢停例幣事

西宮記云十一日例幣使依內裏穢停止云々

十二日辛未大法師康濟任天台座主事

天台座主記云康濟和尚蓮花房寬平六年九月十二日任座主年六十七歲四十八勅使

少納言令輔王同十三日到來按僧官補任為十三日帝王編年記為廿五日扶桑略記愚管抄同本書

十三日壬申停太宰府史生一員加置弩師事

類聚三代格云太政官符應停史生一員加置弩師事右得太宰府解備謹檢案內格條云  
去弘仁五年五月廿一日除史生一人置弩師一人若有病故誰補其闕望請重減史生加  
置弩師謹請官裁者大納言正三位兼行左近衛大將皇太子傳陸奧出羽按察使源朝臣  
能有宣奉勅依請寬平六年九月十三日



十四日<sup>酉</sup>左大辨道真請令公卿議定遣唐使進止事

管家文章請令諸公卿議定遣唐使進止狀右臣某謹案在唐僧中瓊去年三月附商客王訥等所致之錄記大唐彫弊載之具矣更告不朝之間終停入唐之人中瓊雖區々之旅僧為聖朝盡其誠代馬越鳥豈非習性臣等伏檢舊記度々使等或有渡海不堪命者或有遭賊遂亡身者唯未見至唐有難阻飢寒之悲如中瓊所申報未然之事推而可知臣等伏願以中瓊錄記之狀遍下公卿博士詳被定其可否國之大事不獨為身且陳欵誠伏請處分謹言寬平六年九月十四日大使參議勘解由長官從四位下兼守左大辨行式部權大輔春官亮菅原朝臣某

十七日<sup>丙子</sup>對馬守善友敗新羅賊徒事

扶桑畧記云九月五日對馬島司告新羅賊徒船四十五艘到着之由太宰府同九日進上飛驒使同十七日記云同日卯時守文室善友召集郡司士卒等仰云汝等若箭立背者以軍法將科罪立額者可被賞之由言上者仰訖即率列郡司士卒以前守田村高良令反間即島分寺上座僧面均上縣郡副大領下今主等為押領使百人軍各結廿番遣絕賊移要害道豐圓春竹率弱軍四十人度賦前凶賊見之各銳兵而來向守善友前善友立楯令調弩亦令亂聲時凶賊隨亦亂聲即射戰其箭如雨見賊等被射并逃歸將軍追射賊人迷惑

或入海中或登上山合計射殺二百二人就中大將軍三人副將軍十一人所取雜物大將軍縫物中貫草袴銀作太刀纏弓革胡籙充夾保呂各具一己上附脚刀多米常繼進上又奪取船十一艘太刀五十柄梓千基弓百十張胡籙百十房楯三百十二枚僅生獲賊一人其名賢春即申云彼國年穀不登人民飢苦倉庫悉空王城不安然王仰為取穀絹飛帆參來但所在大小船百艘乘人二千五百人被射殺賊其數甚多但遺賊中有最敏將軍三人就中有大唐一人<sup>己上日記</sup>

小右記云寬平六年新羅凶賊到對馬島司善友打返即給賞

又云引見寬平外記日記云有警固北陸山陰山陽南海等道要害

十八日<sup>丁丑</sup>諸國檢非違使立秩限并停補无位人事

類聚三代格云太政官符應諸國檢非違使立秩限并停補无位人事右檢案內把笏帶劔威儀不輕糾察追捕職掌惟重而年來所任不必其人官縱雖卑選何疎畧者大納言正三位兼行左近衛大將皇太子傳陸奧山羽按察使源朝臣能有宣奉勅宜自今以後停補无位人并以六年為一秩准職非永例隨時廢置先任之輩秩限滿則不待替人直從解任寬平六年九月十八日

太宰飛驒使來事



文在  
明日

十九日戊寅令出雲隱岐兩國依舊置烽燧事

扶桑畧記云十九日官符云應出雲隱岐等國依舊置烽燧事右得彼國解稱檢令條諸國置烽燧若有急速則達京師遠近相應慎備警固至于延曆年中內外乖事永從停廢而今寇賊數來侵掠邊垂加之此國遙離陸地孤居海中風波危厲往還不通縱有非常何得通告望請官裁雖不通京都而件兩國境依舊置烽燧者右大臣良世宜奉勅依請賜勅符位記等於飛驒使事

北山抄云寬平六年九月十八日子二尅太宰飛驒使來十九日戌二尅飛驒使來言上打殺新羅賊二百餘人之由云々寅四尅召先後飛驒使於陣頭給白衾各一條緣其早來也一人給勅符一人給位記等還遣之

新儀式飛驒條云大臣令內記作勅符又仰辨官令作副官符即詣御所奏覽內裏式載南不御南殿元慶寬平天慶上卿着宜陽殿座召所司行事御畫日訖大臣還於本座云々

廿三日壬午依新羅賊來奉幣山陵事

西宮記云寬平六年九月廿三日奉山陵臨時幣停尋常政依新羅凶賊來侵也納言已上有障不參仍使參議參入行事

小右記寬仁三年四月廿四日下云寬平六年新羅凶賊時宣命野美材自筆草慮外尋得書寫送四條大納言公任為令見宣命之趣文太優報云美材文華拔群者也見菅家集者

廿七日丙戌東宮覽殘菊事

菅家文章暮秋賦秋盡翫菊應令并序古七言詩曰大底四時心摠苦就中腸斷是秋天又曰不是花中偏愛菊此花開盡更無花詩人之興誠哉此言夫秋者慘慄之時寒來暑往菊者芬芳之草花盛葉衰于時九月二十七日孰不謂之盡秋孤葉兩三莖孰不謂之殘菊謹奉令旨賦此雙關意之所鐘刀火交刺故獻五言以資一劇云爾惜秋秋不駐思菊菊纔殘物與時相去誰厭徹夜看

廿九日戊子令科責不勘正稅帳國司事

類聚三代格云太政官符應科責不勘正稅帳諸國司事右得民部省解傳主稅寮解傳謹檢式傳進正稅帳者諸國二月卅日太宰管内國島五月卅日以前者此誠所以辨去年雜用知國內官物者也今諸國遠者廿年以下近者五年以上或默而不進或進而不勘因茲載結解帳每年申送而依無科責猶致緩怠交替時移之後纔勘去年帳雖勘出物其數千萬而謂非當時唯事規避徒有勾勘之煩曾無填納之勞後任之吏慣其如此寄言前司無心勘勘夫正稅者國家之資非常之備若有急用何得勘申望請殊立科條嚴誠將來者省



依解狀謹請官裁者左大臣宣奉勅依請今須件帳一任之内或過時不進或雖進不勘之輩遷替之日雖進解由返却不收以懲後人唯依舊年欠猶未填納且請取返却帳之國論實是勘濟公文也雖無返抄理非可責假令未及勘當時之帳而勘濟前司公文八年以上者從政匪懈公勤可稱若有辨濟填納請取返抄四年以上者擢於等倫殊加褒獎寬平六年九月廿九日按十月十四日民部省下此符於主稅寮見政事要略是月門人賀參議道真五十算事

北野宮寺緣起云寬平六年九月於吉祥院有知命之御賀或記十月

在柄天神緣起云寬平六年長月の頃門徒人々ありきも賤も吉祥院よつまりて五十の御とし悦乃會修せしめけるとさ法會乃庭におもをんやせいとらうはをたしたる翁の願文の砂金を取そへく漸あゆこよつ、堂のはへの案上おれたていふ事もかくしておけさぬあやこと思ひてむらさみまじり傳聞菅家門客共賀知命之年弟子雖削跡人間無名世上而數記淳教之風多改蠢味之過古人有言無德不報無言不酬深感彼義欲罷不能故福田之地捨此沙金以表中誠之不輕沙以祈上壽之無涯莫疑其人可求其志遠居北關之以北遙增南山之和南とこそふ、也侍けれ其時少僧都勝延その會の導師あて讚歎したらたけかくも天子の修する所なり

希代の勝事とせぬるかの辨説をたへ給ける按北野縁起同之

十月小 庚寅朔

五日甲午定檢非違使廳毎日令行政事

政事要畧引寬平七年別當宣云近者囚徒滿獄科決猶遲或所犯是輕禁囚日久或本罪既重待斷終身獄官之道理不可然因之去年十月五日須定左右檢非違使廳毎日行政之狀、已畢全文在七年二月

十八日丁未東宮被奉菊花事

日本紀畧云醍醐天皇寬平五年四月十四日壬午策立爲皇太子六年十月十八日殖霜菊於丹墀奉覽天皇

十一月大 己未朔

十一日己未令敬祀祈年等祭事

類聚三代格云太政官符應二月祈年六月十二月月次祭國司一人率禰宜神主等向神祇官受取幣帛物事右可受取幣物如法慎祭之狀去年三月二日下符五畿内七道諸國已畢今聞國司緩怠不勤祝部疎畧無慎中納言兼右近衛大將從三位行春宮大夫藤原朝臣時平宣奉勅國之大事莫過祭祀不守符旨怠在主司須畿内并近江紀伊等國選國



司樣目若史生品官之中謹厚恭敬者一人充使者率禰宜祝部等向神祇官受取幣帛物  
即便每社如法慎祭祭畢之狀差使言上若致闕失殊處科法又其見參祝部等交名者前  
祭一日使者等進官事據祈福不得乖違自今以後立為恒例寬平六年十一月十一日  
令解却郡司所帶近衛等事

又云太政官符應解却郡司所帶左右近衛門部兵衛等事右百里之任眾務所繫而或郡  
司偏稱宿備有妨公事准之政途理不可然者中納言兼右近衛大將從三位行春官大夫  
藤原朝臣時平宣奉勅宜不論異能無才且解却且言上但擬用之輩隨國司申登時解退  
曾不停滯適令分憂之吏頗得施治之便寬平六年十一月十一日

三十日<sub>戊</sub>令斷未得解由人所犯本罪事

類聚三格代云太政官符應斷未得解由人所犯本罪事右檢校替式未得解由內外官人  
犯用借貸可依法斷罪天長二年五月廿七日條制已立而垂制之後寬縱不行官物減耗  
大概由斯今諸國不與解由狀所載負累彼此不同或欠失千計物既入已或無實萬數皆  
在民身尋其犯過輕重相殊而俱拘解由不許叙用論之公途實乖折中左大臣宣奉勅宜  
仰諸司依式行之令役負累之倫自知廉耻之節者事須內外諸司所申不與解由狀勘解  
由使勘判訖刑部省待使局送斷其犯罪然後更付使局令奏其餘徵物尊祿等皆如舊例

寬平六年十一月卅日

按政事要  
畧又載之

禁諸國百姓稱王臣家人騷擾部內事

又云太政官符應禁斷諸國百姓稱王臣家人騷擾部內事右舍人帳內資人之外託仕官  
家一切禁斷去寬平三年九月十一日新制已立下符之後未經年序而無賴奸猾之類猶  
稱王臣家之人放縱暴猛不從國郡侮慢牧宰騷擾所部誠雖猾民之濫惡都又憲綱之寬  
簡也不立嚴制皇威何張左大臣宣奉勅重立法制以絕暴惡者諸國承知舍人帳內資人  
以外若稱官家人好濫惡者隨犯見決莫以寬宥如有蔭贖注狀言上不得阿容寬平六年  
十一月卅日

令檢非違使巡察大井與度等事

政事要畧云右大臣<sub>良世</sub>宣奉勅檢非違使每旬巡察大井與度山崎大津等非違者寬平六年  
十一月三十日左衛門少尉橘在公奉

十二月大己丑朔

十一日己亥依穢停月次祭事

西宮抄月次祭條云寬平六年十二月真言院西方有死人仍止祭云々  
十五日卯參議貞恒等兼任事



公卿補任云參議從四位上源貞恒十二月十五日兼大藏卿參議從四位下管道真左大辨式部權大輔春宮亮勘解由長官八月廿一日兼遣唐大使十二月十五日兼侍從

政事要畧云右大臣從二位管原朝臣寬平六年十二月十五日兼侍從左大辨式部權大輔勘解由長官春宮亮等如故按又見大鏡裏書古今集目錄

廿三日辛亥聖寶任權律師事

東寺長者補任云聖寶寬平六年十二月廿三日任權律師按三寶院血脈為十二日古今廿二日歷代皇紀為廿八日

廿八日丙辰依渤海客可入覲任伯耆權掾事

公卿補任云橘澄清寬平二年秋文章生同六十二廿八伯耆權掾依渤海客入覲也按瀛觀在明年夏

廿九日丁巳始置權法務事

釋家初例抄云東寺正法務始僧正真雅貞觀十四三十四補之權法務始僧正聖寶寬平六十二廿九補之按醍醐寺緣起為廿三日東寺長者補任密宗血脈抄歷代皇紀同本書

醍醐寺緣起云根本尊師者東京人俗姓王氏寬平六年舍召候清涼殿獨任律師即日亦授以法務

是年定重任諸寺別當等例事

政事要畧天慶四年官符云應覆勘功課後重任諸寺別當三綱事右律師法橋上人位仁敬去年八月十九日奏狀備檢先例諸寺若言上別當三綱功課重任之日先經三司然後進官事同寬平六年符於是或被遣官使或仲綱所被遣感從一人覆勘之後若有實功課或被許重任也全文在天慶四年三月



史料卷之十四

史料卷之十五

宇多天皇事記第九上 起寬平七年正月盡六月

寬平七年乙卯

正月六日 己未朔

五日 癸亥 聽齊世親王一日乘車事

政事要畧云使廳續類聚云寬平七年正月五日宣旨无品齊世親王明日許聽乘車

九日 丁卯 聽中納言諸葛等乘車事

政事要畧云使廳續類聚云九日宣旨中納言藤原朝臣諸葛民部卿藤原朝臣保則等宜

聽乘車

廿四日 壬午 嵯峨皇子秀良親王薨事

源氏系圖嵯峨天皇第二皇子秀良親王母皇太后嘉智子三品寬平七年正月廿四薨七十九

按一代要記為廿三日  
皇胤紹運錄同本書

一代要記云秀良親王三品母同仁明天皇寬平七年正月二十三日薨年七十九

類聚國史云天長九年二月乙亥秀良親王於冷然院加元服即授三品

日本紀畧云天長九年二月乙亥秀良親王拜賀訖錫宴賜祿五月庚申沒官書一千六百



九十三卷賜三品秀良親王

續日本後紀云天長十年三月戊戌以三品秀良親王為中務卿辛亥三品秀良親王為彈

正尹承和元年十月辛巳以昔被沒官橘朝臣奈良麻呂家書四百八十餘卷賜彈正尹三

品秀良親王以外戚之財也二年正月丁巳三品秀良親王為太宰師彈正尹如故三年五

月甲子賜信濃國小縣郡公田十二町彈正尹秀良親王六月壬戌近江國荒廢田十七町

加賀國百九十町備前國空閑地四十四町賜三品彈正尹秀良親王四年七月辛卯加賀

國石川郡荒廢田四十九町賜三品彈正尹秀良親王七年正月甲申詔授三品秀良親王

二品九年正月戊申二品秀良親王為上野太守九月己亥二品秀良親王為上野太守是

年七月十五日依陸賊帝崩服解今日所復任也

三代實錄云貞觀十三年五月廿二日丁卯勅授秀良親王家池水渙城南百姓田旱也元

慶七年十月十日癸卯攝津國河邊郡墾田一町二段百六十步返給二品秀良親王班田

使收公親王家披訴故返是月中納言諸葛致仕事

公卿補任云中納言從三位藤諸葛年七十正月上表致仕按一代要記為四月未知孰是

二月小己丑朔

一日己丑令撰大學典藥諸生等任諸國博士醫師事

類聚三代格云太政官符應大學典藥諸生苦住學舍并鴻儒名醫子孫依薦舉任諸國博

士醫師事右大納言正三位源朝臣能有宣奉勅如聞年來諸國博士醫師從事之間或非

其人今須內藥生年勞一人之外及大學典藥諸生不經課試者不得輒任之唯苦住學舍

頗堪採用者雖非得試問以舉補勿令遂作空歸之恨又鴻儒名醫子孫去親不遠篤實無

疑之輩假令不得傳習祖業特修舉狀奏權任然則教授療治之職無有非業碩德名士之

後猶賴餘慶寬平七年二月一日

九日酉釋奠事

管家文章仲春釋奠聽講論語同賦為政以德君政萬機此一經乘龍不忘始收螢北辰高

處無為德疑是明珠作衆星

廿一日酉己定使廳行政例事

政事要畧云別當中約言兼左衛門督從二位源朝臣光宣奉勅囚禁之事待斷之間身命

難存是則使等不相具之所致也自今以後五位及尉志府生等四員在者宜行其政不可

具官須左右相交者寬平七年二月二十一日民部權大輔兼左近衛少將在原弘景奉

又云別當中納言兼左衛門督源朝臣光宣傳近者囚徒滿獄科決猶遲或所犯是輕禁囚



日久或本罪既重待斷終身獄官之道理不可然因之去年十月五日須定左右檢非違使  
應每日行政之狀、已畢而猶遲緩不肯行之自今以後宜依前件行其政不可隔日又  
須所行事條目錄每日申之者寬平七年二月二十一日民部權大輔兼右近衛少將在原  
弘景奉

三月大 戊午朔

三日 庚申御燈并曲水宴事

西宮抄云寬平七年三月御燈日行幸

扶桑畧記云三月三日行幸神泉苑

江家江第云寬平七年三月御燈日行幸曲水宴內藏寮供殿上男女房酒肴

管家文草神泉苑三日宴同賦煙花曲水紅應製寬平七年水上煙花表裏紅流盃欲把醉顏同

動枝動浪皆應借所以慙慙恐暮風

六日 癸亥改得度者受戒期事

類聚三代格云太政官符應改定得度者受戒期事右少僧都法眼和尚位益信等奏狀稱  
謹檢貞觀七年三月十五日格傳故少僧都惠運牒稱檢舊例凡有得度者先與度緣次令  
入寺就中年分度者經二箇年臨時度者經三箇年令練沙彌之行然後初聽受戒者今出

格以降雖經廿餘年而未有遵行伏案物情二年練行三年練、未明其由凡檢受戒傳軌  
沙彌等從師之後發心年久是一練行次於三師七證前受二歸五戒十善畢是二練行次  
將授大戒而問遮難之日簡拾根關選留根機然後授之是三練行加以檢本律云授戒以  
後五年律學度者練行前後共具何必局限二三箇年又提謂經云凡說授戒緣三種所以  
一者調和四時寒陰故二者不違日月亢陽故三者令就年中穀實故受戒緣起兼由祈年  
禱請豐穰富在歲首望請度者受戒無別年分臨時不經數年練行即聽授戒已授之後一  
依律文令勤五年律學便於各本寺令課試所學文義具錄其由以經三司傳於不朽限三  
月內使畢授戒四月中結夏安居祈禱年穀誓護國家伏請處分者大納言正三位兼行左  
近衛大將皇太子傳陸奧出羽按察使源朝臣能有宣奉勅依請者若度者多數限內不授  
畢後年三月同共授畢又五年律學之後三司勘知之由具注其狀即申送官寬平七年三  
月六日

廿三日 庚辰禁王臣家出舉私物事

類聚三代格云太政官符應禁斷王臣家出舉私物事右檢天平九年九月廿一日格傳勅  
如聞臣家之稻貯蓄諸國貸與百姓求利交關百姓窮弊因斯彌甚實是國司教諭違方使  
致於此朕甚慙焉自今以後悉皆禁斷如有違者以違勅論科罪其物沒官國郡官人即解



見任者比年如聞或王臣家出舉私物妨、民業因茲租稅難收調庸未進蠹民害政莫甚於斯而國史阿容曾不糾王為吏之道何其然哉中納言兼右近衛大將從三位行春官大夫藤原朝臣時平宣奉勅宜加下知一切禁遏若猶違犯者沒物料罪一如先格寬平七年三月廿三日按扶桑略記帝王編年記引此符為廿二日

廿六日癸未東宮令中納言道真一時賦詩十首事

管家文草云七年暮春二十六日子侍東宮有令曰聞大唐有一日應百首之詩今試汝以一時應十首之作即賜十事題目限七言絕句予探筆成之二刻成畢雖云凡鄙不能燒却故存之送春送春不用動舟車唯別殘鷺與落花若使韶光知我意今宵旅宿在詩家落花之心不得似人心一落應難可再尋珍重此春分散去明年相遇舊園林夜雨不看細脚只聞聲暗助農夫赴畝情通夜何因遣悶意尙書定妨早衙行柳絮春雪紛々繞柳枝見知老絮陌頭垂詩人詠得詩情苦莫使狂風第一吹紫藤高閣藤花次第開疑看紫綬向風迴榮華得地長應賞不放遊人任折來青苔青苔滿地不接塵似展平頭碧錦茵雨後風前宜染色慙慙欲着上仙人鸞自初出谷被人憐春色盡時自默然若有遺言長不絕明年可奏早梅前燕檢頭展翅幾銜泥一夕將雛赴暮棲春盡先歸秋至日涼風萬里羽毛齊黃雀兒點中梁庭黃雀兒春風便是可無私報恩何必遭復處銜得白環即此

時燈挑盡蘭燈送五更簷頭夜雨颯然聲吟詩不得他言笑染翰猶要暗更明

是月令賦中殿櫻花事

管家文草春惜櫻花應製并序仁明和之代清涼殿東二三步有一櫻樹樹老代亦變代變樹遂枯先皇馭曆之初事皆法則承和特詔知種樹者移山木備庭實移得之後十有餘年枝葉惟新根蔕如舊我君每遇春日每及花時惜紅艷以叙春情翫薰香以迴恩賜此花之遇此時也紅艷與薰香而已夫勁節可愛貞心可憐花北有五株松雖小不失勁節花南有數竿竹雖細能守貞心人皆不見松竹臣願我君兼惜松竹云爾謹序春物春情更問誰紅櫻一樹三酒運綺羅切齒相同色桃李慙顏共過時欲長谷雄飛香憑舜袖將纏脆帶有遊絲何因苦惜花零落為是微臣身拾遺

是春右衛門權佐當時賀父大納言能有五十算事

管家文草云右金吾源亞相與余有師友之義夜過直廬相談言曰嚴父大納言去年五十心往事留過年無賀此春已修功德明日聊設小宴座施屏風寫諸靈壽本文者紀侍郎之所抄出新撰者巨大夫之所畫圖書者藤右軍詩則汝之任也談畢歸去欲罷不能予向燈握筆且挑且草五更欲盡五首纔成右軍即書之以備遊宴事廬山異花何處異花觸目新廬山獨立探松人煙霞不記誰家種水石相逢此地神吹送馨香風破鼻齋來筋力氣關



身一浚算計前程事珍重童顏二百春 題吳山白水吳山神水石間來看是孤雲洞口開  
欲見多年懸藥處空留一服去蓬萊 劉阮遇溪邊二女天台山道何煩藤葛因緣得自  
存青水溪邊唯素意綺羅帳裏幾黃昏半年長聽三春鳥歸路獨逢七世孫不放神仙離骨  
錄前途脫履舊家門 徐公醉臥自到東陽道不違徐公一飲二年歸赤松計會新來客玄  
草纏綿舊着衣壺酒淺深初得意醉鄉遠近總忘機無情湖水誰遺迹憶昔長山臥翠微  
吳生過老公山頭不倦立煙嵐幸甚神人許接談念夕逢時丹桂一行々見處石梁三生涯  
養性年華美逆旅知恩曉露甘傾蓋如今爲舊識誰辭竟夕玉膏醑

四月小 戊子朔

七日<sup>甲午</sup>上卿一人行擬階奏事

西宮抄云外記記云寬平七年四月七日大納言源卿執奏依兩儀不着宜陽殿二首輔立  
宜陽殿西廂北第二間西面北上

西宮記引承平五年四月七日貞信公記云爲奏擬階奏中納言一人參而他納言參議一  
人不參仍檢先例寬平七年大納言一人有奏行例依彼例令奏之

北山抄擬階奏條云安和二年上卿一人行之貞觀例也寬平七年承平五年又有此例云

廿一日<sup>戊申</sup>參議保則卒事

尊卑分脈藤原貞碩一男保則母左中辨安部弟富女右大辨大貳民部卿參議寬平七四

廿一薨七十一 按碩公卿補  
任作雄似是

公卿補任云藤原保則中納言從三位乙叙孫左兵衛佐正五位下貞雄男母左中辨安陪  
弟富女齊衡二年三月任治部少丞三年正月丙辰任民部大丞天安元年任兵部少丞貞  
觀元十二廿轉大丞五二十任式部少丞八正七叙從五下同十三日備中權介十三正七  
叙從五上<sup>治國</sup>同廿九日任備前介十六正十五任備前權守十八正十四任右衛門權佐  
同二月十五日任民部大輔十九正十五任中中弁元慶二五四叙正五下同日兼出羽權  
守三正十一出羽守五七十六兼播磨權守六正七叙從四下二月三日兼讚岐權守仁和  
三三二二任伊豫守八月廿二日任太宰大貳十一月十七日叙從四上寬平三四十一任左  
大弁四四廿八任參議辨如元<sup>已上</sup>五年正月十一日兼近江權守二月廿六日兼民部卿  
七年四月廿一日卒年七十一

三代實錄云貞觀八年正月七日甲申授散位正六位上秋枝王式部少丞藤原朝臣保則  
等並從五位下十三日庚寅正四位下行右兵衛督源朝臣勤爲備中權守從五位下行式  
部少丞藤原朝臣保則爲權介元慶二年三月廿九日乙丑晦出羽國守正五位下藤原朝



臣與世飛驒上奏夷倭叛亂四月廿八日癸巳出羽國守正五位下藤原朝臣與世飛驒奏言賊徒彌熾不能討平五月四日己亥詔授從五位上守右中弁藤原朝臣保則正五位下即拜出羽守右中辨如故左衛門權少尉正六位上清原真人令望爲權掾左衛門權少尉如故右近衛將曹從七位下茨田連貞額爲權大目右近衛將曹如故三人並發遣出羽國擬討反虜勅出羽國司曰近日夷虜凶逆殘害不止雖有軍興俄難殄滅仍以右中辨正五位下藤原朝臣保則兼任彼國權守宜緣軍機事從其指搗莫爲逋逃以失警備七月十日癸卯出羽國飛驒奏曰正五位下守右中辨兼權守藤原朝臣保則到國察向前之行事運行軍之籌策遣權掾文室真人有房左衛門權少尉兼權掾清原令望上野押領使權大掾南淵秋鄉等率上野國見到兵六百餘屯秋田河南拒賊河北又秋田城下賊地者上津野火內淵楡野代河北陂本方口大河堤姊刀方上燒岡十二村也向化俘地者添河霜別助川三村也令此三村俘囚并良民三百餘人拒賊於添河次攻雄勝後將侵府其雄勝城承十道之大衝也國之要害尤在此地仍遣左馬大允藤原滋實左近衛將曹兼權大目茨田連貞額等以雄勝平鹿山本三郡不動穀給郡內及添河霜別助川三村俘囚慰喻其心令相勵勉於是俘囚深江禰加止玉作正月麻呂等誘率三村俘囚二百餘人夜襲殺賊八十人燒其糧食舍宅感思賚也或云津輕地夷狄或同或不同若不同者以上野國軍將得討

滅遂同者雖大兵難可輒制上野下野陸奧三國軍士揔四千人其陸奧軍先既亡歸上野軍且來六百餘人下野軍雖入堺首未知強弱津輕夷倭其黨多種不知幾千人天性勇壯常事習戰若連逆賊其鋒難當請常陸武藏兩國軍合二千人以誠備非常是日勅符曰去月廿八日奏狀今日到來賊中消息委曲具至指其事實足可見知夫以夷狄攻夷狄者中國之利也今覽來奏給雄勝郡俘囚以官米穀多破賊徒豈此一舉計之上者也亦來奏以爲津輕夷虜天性獷狘若連凶類實爲難制塞下流言南北異口或云既同或云未同請發常陸武藏等國兵備其非常出於不意今如奏狀同否未審若果不同者所率見兵可得摧破加之小野朝臣春風坂上大宿禰好蔭等各領精兵行當到著宜待共征振其威武但豫勅諸國令簡勇士若有危急馳傳上奏隨即差發赴救非晚務運奇策繫其狂心八月四日丁卯出羽國飛驒奏言勅符曰重省表奏曲折具之事用奇正兵家所貴今募俘虜多醜類雖是夷人慕義之至切抑亦國宰撫馭之得方臨機之畧實當如此其能仁法天等忠誠頻著聞而嘉之克遂功績不亦美乎且春風好蔭等取陸奧路入上津野村與兩國兵夾攻首尾今如來奏已得要畧兵術雖多制勝爲先左之右之隨宜禽賊窮其巢窟勿令逋脫凡厥勳賞可有後勅彌、精勵莫使懈緩三年正月十一日辛丑出羽國飛驒奏言去年十二月十日凶賊悔反逆之過致束手之請便返進所掠奪之甲廿二領言曰所取甲冒其數



不少任已狂心皆悉截破稱身約裁一无全者加之賊類或入奧地或所居隔遠其遺甲冑  
搜求追進於是正六位上左衛門權少尉兼權椽清原真人令望左馬權大允正七位下藤  
原朝臣滋實右近衛將曹兼權大目從七位上茨田連貞額等進議曰今乞降之賊二百人  
所進之甲廿有餘賊黨多數官甲已少野心難測疑是矯飾須待後進一度計納陸奧鎮守  
將軍從五位下小野朝臣春風議曰春風自入賊地具知逆類悔過之心今亦蒙犯霜雪乞  
降懇切若懷疑慮抑而不納猶去逸就勞非所以集成正五位下守右中辨兼行權守藤原  
朝臣保則等商量雖令望之議已有道理而春風之謀非无便宜故殊加慰納綏其嚴誅又  
渡島夷首百三人率種類三千人詣秋田城與津輕俘囚不連賊者百餘人同共歸慕聖化  
若不勞賜恐生怨恨由是遣從五位下行權介藤原朝臣統行從五位下行權掾文室真人  
有房及令望滋實貞額等勞饗三月二日壬辰正五位下守右中辨兼行出羽權守藤原朝  
臣保則飛驒奏言曰臣保則等謹言須依去正月十三日勅符旨早討虜而行事相違不能  
進止何者臣等所賜諸國之兵千八百餘人上野下野兩國各八百人陸奧國追還散卒二  
百人是也以此輩且擊破奧賊之士卒且討平近城之反虜次須重請諸國之兵攻伐奧賊  
而相待陸奧鎮守將軍小野朝臣春風權介坂上大宿稱好蔭等之謂未有所定於是賊徒  
進愁狀十餘條陳怨叛之由詞旨深切甚有理致即池法禁樹其冤枉爰古老言曰用兵之

道尤在練士固塞其後出征人休動靜去留莫不據此又當國形勢地迫北陸秋天多雪當  
此之時營壘難恃不如選練士卒修造城柵相待春風等之來臣等用古老之言選諸國當  
士之軍爲上兵者一千人分配官人令其勞賜且當士之卒緣无中冑不能輒進雖諸國  
之軍令增兵衆之勢其中國下兵擔夫役立柵之事還向本國此事由趣上奏先畢凡當士  
可有兵士鎮兵千六百五十人而承前國司无置一人今計諸國見留之兵未及當士例兵  
之數臣等定城下之後殊廻方畧此待隣兵作爲城柵軍士得休國內无慮其後賊三百許  
人詣秋田城乞降雖然不受其降臣等因有所議春風等且擁於鎮守府待後告可應機之  
狀馳權掾小野春泉告春風等春泉未達鎮守府之間去年九月十五日好蔭來自流霞路  
廿五日春風來自上津野是時道路泥深風寒肅然經過嶮岨士卒瘦勞春風言曰銜詔之  
日伏奉聖畧先教諭賊類必令降伏若不革逆心進兵討滅仍奉宣勅旨教諭賊徒歸伏相  
隨到來至誠无疑不可更討臣等初謂以所賜之兵與春風等表裏合勢尅日討平而春風  
之足歷虜庭令降逆黨降伏之後更遣官軍虜謂欺已殊死而戰其鋒難制薑尾施毒亦賊  
地隘狹潛通多路以此小軍難可輒赴故隨春風言暫停征伐厥後賊類亦來請降返進官  
物臣等依彼來降漸計利害征戰之弊非只一途案去延曆年中被下當道陣圖以一万三  
千六百人爲一軍分作三軍輜重八百人擔夫二千人而今上野下野兩國之軍千六百人



輜重擔夫二千餘人好蔭所率之兵五百人輜重擔夫千餘人因茲言之多違舊例中國之軍七月到着陸奧之兵九月入來會合參差整頓有妨或臨陣難列或聽鼓易迷皆是忘戰日久習之令然也國內黎氓苦于苛政三分之一逃入奧地所遺之民承數年之弊尤自存之方況軍興以來運轉軍糧去今兩年少時不息无用之卒騷動部內待救之處還致巨害管最上郡道路峻絕大河流急中國之軍路必經此迎送之煩不可勝計今重請大兵將討降虜國弊民窮難可克堪若慰撫部內之窮卒驗出奧地之逃民留中國之甲冑避富土之例兵則降虜雖反不足畏由是降賊之徒頻以上奏但臣等以為賊寇无聞年代稍久因此變亂不窮誅戮然綏禦如失邊難不絕更發大軍撲滅无燼國家之長策天下之上計也臣等不敢專決特疑於懷進退之間謹行天策是日詔令上野下野兩國在軍之甲冑器仗留付出羽國矣六月廿六日乙酉正五位下守右中弁兼行出羽守藤原朝臣保則飛驒奏言謹奉去三月五日勅符旨諸國軍士解陣放却并留中國甲冑及置當國例兵中略臣保則等行事相違兵威未振適降恩詔暫緩征討逆類再生平民復業但臣等以為夷狄之性強弱難測朝為輕寇夕甘重戮縱請降之後如有小變臣等恐偏慮存國還陷罪戾望更賜天使檢察其事謹以中聞四年二月十七日辛丑正五位下守右中弁兼行出羽權守藤原朝臣保則飛驒奏曰降虜所進掠取甲六十六領冑卅二枚太刀四枚鉞一柄箭一十隻賊夷去

年進契狀曰所遺甲冑早速將進而踰涉年月未有返上故遣權大目正六位上春海連奧雄八與地所勘取也去年五月陸奧及當國軍士敗走之日或着甲冑逃歸本土或脫奔山野跳身奔竄是時前督師從七位上秦忌寸能仁進甲冑一百一十賊徒返進廿二今奧雄勘取六十六領摠一百九十八領納秋田城畢又夷俘賜饗之日多以他死亡位記自稱其姓名貪預賜祿與雄貴取死亡位記一百六枚廿三日丁未先是出羽國言管諸郡中山北雄勝平鹿山本三郡遠去國府近接賊地昔時叛夷之種與民雜居動乘間隙成腹心病頃年頻遭不登憂在荒飢若不優恤民夷難和望請復調庸二年將休弊民至是勅復一年又不動穀六千二百九石七斗給三郡狄俘八百三人

類聚國史云元慶六年正月七日庚戌授正五位下行因幡守源朝臣有讚岐權守藤原朝臣保則並從四位下

三代實錄云仁和三年二月二日丙午從四位下源朝臣國紀為伊豫權守從四位下藤原朝臣保則為守八月廿二日癸亥從四位下行伊豫守藤原朝臣保則為太宰大貳

保則傳云卷首早田畝盡荒百姓飢饉道殣相望盜公行邑里空虛英賀哲多兩郡在山

谷間去府稍遠郡中百姓或劫掠相殺或遁租逃散境內丘墟無有單丁備中前守朝野貞吉以苛酷而治之郡司有小罪者皆着鉗鈇人民犯纖毫者捕案殺之囚徒滿獄仆骸塞路公到



任之初施以仁政宥其小過存其大體放散徒隸遍加賑貸勸督農桑禁止遊費於是百姓襁負來附如歸田園盡闢戶口殷盛門不夜扃邑無吠狗府藏多蓄賦稅倍入遂受租稅返抄卅四箇年受調庸返抄十一箇年自古以來未嘗有此類也十三年叙從五位上即遷備前介十六年轉備守公在備前德化仁政一如在備中時凡厥僚下若有奸賊者曾無所發明其咎即竊於間處相語云君久疲學官初得此官必當立其廉節勉取榮譽豈可思滯一州小吏乎然而上資父母之供養下給妻子之飢寒機性屈心受此濁穢斯皆貧窶之憂羈累善人僕有薄俸冀隨君所用以資給之勿犯官物而已即分賜其俸不限多少於是耻格之化如風靡草吏民畏愛號曰父母備前備中兩國界上有吉備津彥神若國有水旱公即祈禱必致感應速於影響若境中有奸者立降冥罰嘗此神形見語公云感公德化深以欣服冀也助公爲治終此善績由是治化兩國前後年歲頻豐穰百姓和樂時安藝國偷兒遮險劫盜備後國調絹四十匹逃走入草道宿備前國石梨郡旅舍盜語主人翁云此國太守化跡何似主翁語云府君化民專用仁義一國之人盡爲伯夷恩信之感自通神明故國有奸盜者吉備津彥神立降誅罰及具語其治化本未皆如實事盜顏色大變似有耻畏終夜歎息展轉不寢向曉馳詣府門叩頭自首云小民無狀畧奪備後國官絹四十匹改過服罪願賜生命公召盜語云汝知向善遂非惡人即賜米糧封職絹付盜移備後國僚下皆云此

奸盜之人也恐不達彼國公云此人已改心歸誠豈更有變其志乎不聽於是盜得移文令送備後國時備後守小野喬季恠且悅即放遣盜人自詣備前拜謝庭中凡厥德化感服人神皆此類也十七年秋解歸京兩備之民悲號遮路里老村媪頭戴白髮者各捧酒肴拜伏道邊公謂老人之心不可違失爲之留連數日相次競到不可遏止公以爲若常如此必引日月仍竊織小船輕棹解纜時與從者相期有未到者仍暫泊和氣郡方上津於是備前郡司等聞公無糧備船白米二百石奉進泊處公謝云無甘棠之遺愛忝故人之厚贈雖然篤志深密何不嘉納即受之無所辭郡司等初思公性過廉必不受此贈及聞此報大悅歸去頃之公遺國講師書云自次此泊舟中頗有恠異風浪難測憂念誠深望率僧徒來會津頭相共祈念海行之穩焉於是講師率國分僧等馳詣泊處公語云願諸僧各讀誦般若心經一遍功德足矣諸僧承旨即讀誦心經畢即似此米二百石悉充誦經布施夜中飛帆出去不顧十八年正月任右衛門權佐兼檢非違使公語所親云昔者帝堯之民皆可比屋而封之時皋陶以大賢爲獄官若有疑罪則令獬豸決之豈有枉濫之罪元慶二五月引弓非敢愛惜微軀恐成朝廷之耻昭宣公曰自天智天皇時藤氏代立勳績朝所倚賴方今身非伊周忝攝宰宰遭此寇亂內慙外、瓜葛之義君亦可悉願盡智謀勿爲飾讓公曰必不得已可用愚計者冀露肝膽無有所隱恐殿下不得能用之昭宣公專意委付遂無他賜公曰蝦夷內



附以來欲漸二百年長服朝威無有寇逆如聞秋田城司良岑近者聚斂無厭徵求萬端故  
墨怨積怒致叛逆夷種衆多迭相合從賊徒數萬窮寇死戰一以當百難與爭鋒如今之事  
者雖坂將軍再生不能蕩定若教以義方示以威信播我德音變彼野心不用尺兵大寇自  
平昭宣公曰善公亦曰今當以恩信化服夷狄若群醜之中猶有不服馴者必可以兵威而  
臨之前左近衛將監小野春風累代將家驍勇超人前年頻遭讒謗免官家居願先令春風  
率精衆示以朝廷之威信然後以德招致未歷數月自應銷散昭宣公大悅其月四日叙公  
爲正五位下即以右中辨兼出羽權守播春風爲鎮守將軍從五位下及陸奧介從五位下  
坂上好蔭受公節度公奉詔以後數日進發晝夜兼行行路之間飛驒繼途奏賊虜強盛官  
軍頻敗及城堡失守群隊陷沒之狀時從騎十餘人皆無不褫魂奪氣而公容色不變曾無  
畏憚之意既至出羽國命春風好蔭各將陸奧國精騎五百人直入虜境召其酋豪宣以國  
家之威信先是賊聞王師來討率衆萬餘人遮守險隘春風少避邊塞能曉夷語即脫甲胄  
棄弓矢獨入虜軍具宣朝命皆如公意於是夷虜叩頭拜謝云異時秋田城司貪欲暴橫谿  
壑難填若豪毛不協其求者楚毒立施故不堪苛政遂作叛逆今將軍幸以天子恩命而詔  
之願改迷途歸幕府於是競以酒食饌饗官軍其豪長數十人相率隨春風至出羽國府公  
即召見慰撫賊亦盡返獻先所虜畧生口及軍器時有渠帥二人不肯歸附公語諸豪長云

一二虜不來於汝心如何豪長等俱陳云殊自有謀願暫垂寬假後數日遂斬兩夷首以獻之  
公即發使者撫循餘種自津輕至渡島雜種夷人前代未曾歸附者皆盡內屬於是公復立  
秋田城凡厥壘柵樓塹皆倍舊制三年改權守爲正守右中辨如故有勅暫留鎮撫之此國  
民夷雜居田地膏腴土產所出珍貨多端豪吏并兼無有紀極私增租稅恣加徭賦又權門  
子弟年來求善馬良鷹者猥聚如雲邊民愚朴無知告訴唯隨其求不言煩費由是隴畝之  
民皆苦貧窮紆指之輩多致富溢公施以朝典教示百姓嚴張憲法勿令侵犯若更有不法  
者捕而案之由是百姓安堵夷道清平時陸奧國夷狄有訴訟者皆到出羽國而取決公初  
在兩備專以仁惠而化之及治出羽更以威嚴以理之吏民有罪無有所當論者不能測  
其深淺四年四月依官符入京時在朝卿相皆賀公勳績公辭謝云此皆朝威之所致非愚  
畧之有施也是時天下皆以爲公不勞一卒平定大寇朝廷必當疏商爵答其殊勳而偏用  
公辭讓遂無優崇之制又良岑近者貪叨賊穢致此寇亂而亦無懲惡之典由是衆議多譏  
昭宣公賞罰失柄公性樂靜默不好劇務屢對昭宣公固辭辨官七月任播磨守辭不赴任  
六年正月叙從四位下公曰年既老矣盍修功德爲冥路之資傳聞讚岐國多倫紙及能書  
者當赴彼國書寫修多羅阿毗曇等諸藏二月出爲讚岐守此國庶民皆學法律執論各異  
邑里疆畔動成評訟自公入境人人相讓如虞內之有耻心焉秩滿歸京隱居西山別墅無



復出仕之志。仁和三二年二月，任伊豫守，辭不赴職。八月，除為太宰大貳。十二月，叙從四位上。公頻稱病不肯就職，朝廷屢加慰諭，強以發遣。公在鎮府，專以清靜而施化，故吏民感服。政化大行，先是姦猾之輩，猥聚鎮西境內，其筑前筑後肥前三國尤為群盜之藪，澤鄉閭騷擾，道路隔絕，人民有蓄積者皆被殺，畧行旅有資儲者無有至。治前年，府官及國司發兵捕殺凶黨，彌熾不能禁止。公初莅鎮，眾人皆云：宜多發軍士，悉加鉏誅。公曰：吾聞此盜渠師率非編戶之民，皆是流浪之輩也。或良家子弟，逐衣食之利，或舊吏僕從，取婚姻之便，寓居邊城，猶如桑梓。而比年不稔，生產失利，無賴之輩，同惡相濟，爭尋干戈，起為賊徒，是國之民大半為盜。今悉捕而殺之，則里落之內，闕而無人，縱令有隣家之警，誰人城戍乎？此輩未必懷凶殺之心，多是為飢寒被逼迫而已。若施以恩賑，自應食棧改音，即以其俸米，遍賑贍三國，深加慰撫，各存生業。於是盜徒大悅，相語云：府君以父母之情遇我，我豈不盡孝子之志乎？相率歸化，莫不守劔之夫。寬平三年四月，辟為左大辨，公被召入京。之後未歷數月，太宰府奏云：有新文天性廉潔，以身化物，僚下有貪穢者，推誠教訓，若遂不悛者，不與之接言語。見其有一善，則悅動顏色，常稱譽推舉，贊成其美。又擇士採才有知人之鑒，昔在備中時，小野葛絃年少為掾，公稱曰：若必當為天下循良之吏。又在讚岐時，菅原朝臣代公為守，公竊語曰：新太守當今碩儒，非吾所測知也。但見其內志誠是危殆之士也。後皆如其語。几厥獎鑒，皆

多此類也。公年漸五十，不近婦人，唯歸心內典，尤熟空觀，常談誦金剛般若經，未嘗退倦。即撰此經諸家義疏，以為一部究討其義，莫不該通。公清節沖虛，心無迴邪，蓋是練般若空無相之故也。公未寢疾時，忽語云：死期將至，何可終身於塵勞之中乎？於是營一室於叡山東坂，翌日夙興，促駕赴投山廬，落髮入道。晝夜念佛，其後數月，俄隨逝水，啓體之日，身無病痛，屬纊之時，心不顛倒，唯向西方念阿彌陀佛而已。

管家文章路遇白頭翁，路遇白頭翁，如雪面猶紅。自說行年九十八，無妻無子獨身窮。三間茅屋南山下，不農不商雲霧中。屋裏資財一栢置，置中有物一竹籠。白頭說竟我為皓老年，紅面何方術已無。妻子亦無財，容體充肥具。陳述白頭拋杖拜馬前，慙慙請曰：叙因緣。貞觀末年元慶始，政無慈愛法多偏。雖有旱災不言上，雖有疫死不哀憐。四千餘戶生荆棘，十有一縣無爨煙。適逢明府安為氏，今之野州別駕奔波晝夜巡鄉里。遠感名聲走者還，周施賑恤疲者起。吏民相對下尊上，老弱相攜母知子。更得使君保在名，今之豫州刺史臥聽如流境內清。春不行春春逼達，秋不省秋秋大成。二天五袴康衢頌，多黍兩岐道路聲。愚翁幸遇保安德，無妻不農心自得。五保得衣身甚温，四隣共飯口常食。樂在其中斷憂憤，心無他念增筋力。不覺鬢邊霜氣侵，自然面上桃花色。我聞白頭口陳詞，謝遣白頭反覆思。安為氏者我兄義，保在名者我父慈。已有父兄遺愛在，願因積善得能治。就中何事難仍舊，明月春風不遇時。欲



學奔波身最懶將隨臥聽年未衰自餘政理難無變奔波之間我詠詩  
是月東宮令中納言道真一時賦詩廿首事

管家文草云東宮寓直之次下令曰去春十首既知急捷今取當時二十物重要某不停滯  
即奉令之後不敢固辭自酉二刻及戌三刻篇數僅成俛令旨也經數十日要寫一通近習  
少年斷失三首初不立案無處尋覓一十七首備于寶錄云爾風中琴清琴風處響恰似有  
人彈始自責蘋起還隨玉軫殘誤雲驚別鶴疑野拂幽蘭感興應無限窻頭力意看竹翠竹  
疎籬下脩竹翫碧鮮雨中重影台風裏晚聲傳欲見龍鱗化兼期鳳翼遷寒霜如可拂萬歲  
表貞堅蓄薇一種蓄薇架芳花次第開色追膏雨染香趁景風來數勸詩人筆頻傾醉客杯  
愛看腸欲斷日落不言迴松孤松呈勁節幸許在中庭久苦寒霜素猶全細葉青故山辭澗  
底新地近仙亭塵尾應堪用琴將奉執經酒閑亭開酒甕始覺聖賢心竹葉琴多少梨花酌  
淺深開眉坏裏伴促膝醉中吟自此知神用誰愁到晚陰牡丹不知何處種喜見牡丹花帶  
雨傾臨架隨風引亞沙豈攀塵客苑當翫玉仙家朗詠藁邊立悠悠忘日斜古石孤拳誰得  
轉苔藓不知年不過雲來觸唯聞溜引穿諫應投綠水功欲補青天漱齒幽人意相看太可  
憐扇團々執素扇隨手幾成功一轉看孤月頻搖得細風逆愁秋早至偏待熱先隆取捨知  
時節輕身業豈空屏風屈曲初知用施米不畏風質宜羅帳裏功見玉筵中人馬無來去煙

霞不始終丹青知有巧開合又西東錢家兄何利國施用手巾繫榆莢重輕種貨泉商賈源  
貪夫身有癖高士口無言腐鐵誰應識將令禮節存弓鳥號得舊弓業在弛張名細月空驚  
質清風自發聲步中楊葉遠雲外白間輕文武隨時用韜將表太平石硯文人施器物石硯  
玉簾前一片心猶重多情手自傳道成分水劑功遂染松煙月滿花開處吟詩得用專筆學  
業何爲重織絳用不輕崩雲毫未急垂露管中清豈見焚無意誰知格滅聲願將羊桂質良  
史表嘉名暮手談幽靜處用意真如何下子聲偏小成都勢幾多偷閑猶氣味送老不蹉跎  
若得逢仙客樵夫定爛柯鼓八音調雅樂鳴鼓自堪聞見器驚春氣疑雷撥夏雲曲成隨舞  
舉聲引任歌分小大知全節何時奏聖君蜘蛛微蟲猶有巧結網自含情稟氣安身小隨風  
轉質輕簾前寬得地籬上暫全生萬物皆如是應知造化成壁魚白魚浮紙上游泳九流中  
繞軸高低去隨書遠近通豈嫌漁父業唯妨學人功若得風前舉鱗飛道豈空

五月六日丁巳朔

十五日辛未唐使入朝事

扶桑畧記云五月十五日唐使入朝

止遣唐使進發事

管家傳記云寬平六年九月十四日上狀請令諸公卿議定遣唐使進止同七年五月十五



日勅止遣唐使進

六月小 丁亥朔

二十日丙午致仕中納言諸葛薨事

尊卑分脈藤原有統一男諸葛母修理大夫從四位下橘長嗣女數子寬平七六廿薨七十

按一代要記為六日  
公卿補任同本書

公卿補任云藤諸葛侍從從五位下有統一男右大臣三守孫母修理大夫從四位下橘承

繼女從五位下小數承和十二年正月十一日任但馬介月日補藏人仁壽三年正月七日

從五下齊衡二年正月十五日加賀權介貞觀二年十一月廿日從五上三年二月廿五日

中務少輔四月九日少納言八年三月廿三日正五下十三年正月七日從四下三月十一

日兵部大輔十五年正月十三日備中權守十七年九月藏人頭十八年正月七日從四上

十二月廿六日左近權中將元慶二年正月十一日備中權守中將如元三年十月廿三日

任參議兼左近權中將備中權守以上五年十二月十三日兼右衛門督六年正月七日叙

正四位下二月三日兼近江權守右衛門督如元仁和三年正月兼越前權守二月二日兼

美乃權守五月十三日遷備前權守寬平三年三月十九日任中納言叙從三位七年七月

上表致仕六月廿日薨年七十

文德實錄云齊衡二年正月十五申從四位下藤原朝臣衛為加賀守從五位下藤原朝臣諸葛為權介

三代實錄云貞觀二年十一月十六日壬辰授散位從五位下藤原朝臣諸葛從五位上三

年二月廿五日己巳散位從五位上藤原朝臣諸葛為中務少輔四月九日癸丑從五位上

行中務少輔藤原朝臣諸葛為少納言八年三月廿三日己亥授從五位上行少納言兼侍

從藤原朝臣諸葛正五位下元慶二年正月十一日丁未從四位下行左近衛權中將藤原

朝臣諸葛為備中權守權中將如故

類聚國史云元慶六年正月七日庚戌授參議從四位上行右衛門督藤原朝臣諸葛正四

位下按三代實錄有錯  
簡仍今取本書

三代實錄云元慶八年十月戊子朔光孝天皇御紫宸殿賜宴侍臣左右近衛府遞奏音樂勅令

參議右衛門督藤原朝臣諸葛前伊勢守藤原朝臣諸藤兄弟彈琴為歌仁和二年十月二

日丁未天皇御紫宸殿賜宴侍臣左右近衛府遞奏音樂酣暢之後勅令參議右衛門督藤

原朝臣諸葛彈和琴

體源抄云皇帝破陣樂序一帖有三  
半帖初半帖拍子  
十六中半帖拍子  
四後半帖拍子  
十此家豐原二習所ハ

如此而從五位下尾張連濱主傳云ユノ舞ノ序ハシメハ四十拍子ナリシカルヲ遣唐



時儻生還本國時忘末八拍子ヲタリニヨツテ承和御時諸葛中納言奉テ勅序一帖  
拍子仁明以十六拍子爲半帖卜定畢

廿六日壬子禁狩獵於大和國丹生社界地事

類聚三代格云太政官符應禁制大和國丹生川上雨師神社界地狩獵事四至東限搜句  
南限大山峯西限板浪瀧北限猪鼻瀧右得神祇官解傳大和神主大和人成解狀併別社  
丹生川上雨師神祝禰宜等解狀併謹檢名神本紀云不聞人聲之深山吉野丹生川上立  
我官柱以敬祀者爲天下降甘雨止霖雨者依神宜造件社自昔至今奉幣奉馬仍四至之  
內放牧神馬禁制狩獵而國栖戶百姓并浪人等寄事供御奪妨神地屢觸汗穢動致咎崇  
爰祝禰宜等依稱供御不敢相論既犯神禁何謂如在望經言上敢被禁制者所陳有實仍  
申送者官依解狀謹請官裁者大納言正三位兼行左近衛大將皇太子傳陸奧出羽按察  
使源朝臣能有宜宜下知彼國令加禁制寬平七年六月廿六日

是夏渤海國使來事

管家文章客館善懷同賦交字呈渤海裴令大使自此以後予別奉勅旨與史部紀侍郎詣  
鴻臚館聊命詩酒大使思德曰主客將賦  
交字一席櫻應唱和  
往復來者宜和之尋思執手昔投膠拜觀慙慙不暫拋雪鬢同年分岸老風情一道望雲  
交皎騎再食場中藿儀鳳重歸閣上巢借問高才非穿相揚雄幾解俗人嘲客館善懷同賦

交字寄渤海副使大夫珍重孤帆適樂郊雲龍庭上幾有禁度春欲見心如結專夜相思曉  
不交賓禮來時懷土雁旅人歸處泣珠蛟暗知器量容衡霍愧我區々小斗簪夏日饒渤海  
大使歸鄉各分一字探得途初喜明王德不孤奈何再別望前途送迎每度長青眼離會中  
間共白鬚後紀難期同硯席故鄉無復忘江湖去留相贈皆名貨君是詞珠我淚珠



史料卷之十六

宇多天皇事記第九下起寬平七年七月盡十二月

七月小 丙辰朔

七日壬戌童相撲事

西宮記云寬平七年七月七日童相撲八日追相撲

公事根源抄相撲條云是の諸國の供御人を召集て七月の相撲節といひて天子の御覽する事也神龜三年の初て諸國より是れ登せらる寬平七年の童相撲を御覽ありき

七夕御會事

菅家文章七夕應製今夜不容乞巧兼唯思萬歲聖皇占明朝大史何來奏更有文星映玉簾

十日乙丑不動倉鈎令據交替式申請事

類聚三代格寬平九年官符云得山城國解備檢案內太政官去寬平七年七月十日下五畿内七道諸國符併交替式云國司交替之時依不動物多煩自今以後彼鈎進官但應修理其倉及疑有雨損臨時請鈎新案云不動之物理合算勘自非開見何知積高須每當交



替請其鈎匙者牧宰偏依新案好開不動或亦任意無請鈎匙論之政途未爲允適中納言兼右近衛大將從三位行春宮大夫藤原朝臣時平宣奉勅政有沿革隨時弛張自今以後專如先式全文在九年五月

十一日丙寅令藏置兵庫器仗事

政事要畧云延兵格云應弃置兵庫器仗事右軍防令云凡在庫器仗有不任者當處長官驗實具狀申官在京庫者送兵部任充公用弃掌不如法致有損壞者隨狀推徵又云軍器在庫皆造棚閣安置色別異所以時曝涼者而牧宰等不動曝涼無意弃置滿庫擁積徒致擁損之費五兵濫散難應警急之用前後之司默然付領安不忘危何忽其備中納言兼右近衛大將從三位行春宮大夫藤原朝臣時平宣奉勅宜自今以後曝涼隨時弃置異所交替之日莫致欠損在京所司亦同准此寬平七年七月十一日

定內外官付領等限事

類聚三代格云太政官符應內外官交替限內量付領并所執寫署程事右交替之政式文具存分付受領前後無爭而頃年人心多岐遵行失旨或新司造不與解由狀限日促近乃示前司前司無程所執不進其署因茲爭論自發經年成煩人多愁訴政致擁滯中納言兼右近衛大將從三位行春宮大夫藤原朝臣時平宣奉勅自今以後宜六分交替之程四分

爲付領之期一分爲所執之程一分爲繕寫署印之限然則彼此無訟公務無滯寬平七年七月十一日

令國司交替日先填正稅後取雜稻事

又云太政官符應諸國交替所在見物先填正稅後取雜稻事右官物之重正稅爲本至於雜稻恰如枝葉而新任國宰意要剩物交替之日所在見物先填往古無實雜稻之代總致當時出舉正稅之欠遷代之吏雖歎其非爲求放還合眼承引官物損耗莫不依此中納言兼右近衛大將從三位行春宮大夫藤原朝臣時平宣奉勅自今以後所在見物先割置正稅定數以其遺辨置色々雜稻寬平七年七月十一日

定不與解由狀條目事

又寬平八年官符云得駿河國解 太政官去年七月十一日符 任用之吏政無有闕而其不與解由狀載國中前後諸未辨濟事詳檢事意曾無公益中納言兼右近衛大將從三位行春宮大夫藤原朝臣時年宣奉勅自今以後宜諸國任用之吏被甲不與解由狀只令載其預事及身犯但至犯用官物則一人有犯餘官同坐仍如格式又受領卒死之間任用行事若有自借判署犯用之色者後司進實錄帳之日不待犯人解退細錄其狀直以申官其待裁之間莫預釐務全文在八年九月



令依階業次第簡定諸國講讀師事

又云太政官符應依階業次第簡定諸國講讀師事右延曆廿四年十二月廿五日齊衡二年八月廿三日格傳五階者補講師三階者補讀師者格旨所指不敢乖違而頃年雖果階業者有其先後而簡定擬補不依次第或停中乙薦舉丙丁或抑耆老推轂年少才不超倫名無叶實昇降任意愛憎專私如此之漸瀾致人愁僧綱等寄言本寺不忍糾察怨結之至動訴公庭論之政途尤是違濫中納言兼右近衛大將從三位行春宮大夫藤原朝臣時平宣奉勅自今以後重仲本寺不亂階業之次簡定擬補其絕望固辭觸事越次者補任之下具令注年薦并辭退抑留之由若僧綱知情不糾殊加科責寬平七年七月十一日十五日庚午皇子敦實為親王事

大鏡裏書云敦實親王宇多天皇皇祖母皇太后宮胤子寬平五年癸丑誕生同七年七月十五日庚午為親王

十六日辛未參議道真任中納言事

管家傳記云寬平四年正月七日授從四位下同五年二月十六日為參議同六年十二月十五日兼侍從左大弁式部權大輔春宮亮如元同七年七月十六日為中納言即日授從三位按公卿補任古今集目錄菅原氏系圖十月十六日一代要記為同月廿三日收事要畧大鏡裏書為同月廿六日今據大安寺緣起八月五日位畧從本書

二十日乙亥停越前國史生一員置督師事

類聚三代格云太政官符應停史生一員置督師事右得越前國解稱此國西帶大海遠向異方戎器之具不可暫緩望請被給督師備之不虞謹請官裁者大納言正三位兼行左近衛大將皇太子傳陸奧出羽按察使源朝臣能有宣奉勅依請寬平七年七月廿日

廿三日戊寅中納言道真兼春宮權大夫事

管家傳記云廿三日兼春宮權大夫左大弁侍從如元按古今集目錄為十一月十二日公系圖為同月十三日一代要記為同月廿三日是亦據大安寺緣起位畧從本書

廿七日壬午令七大寺已下十八所進緣起事

行仁上人記云寬平七年七月二十七日下旨旨於長谷寺并七大寺等鎮護國家伽藍十八所尋其緣起由來按大安寺緣起為十七日十疑廿之訛

三國傳記長谷寺條云寬平二年三月三日今ノ北野天神ニ詔ノ桃花宴會ヲ押ヘ德政ノ謀ヲ御尋アリ天神勅問ヲ請テ四箇條ノ事ヲ奏シ玉フ先佛法ヲ崇神明ヲ敬聖跡ヲ興シ賞罰ヲ可行云々重勅曰聖跡何所ヲカ可興爰ニ天神鎮護國家ノ伽藍十八箇所ヲ勘ヘ其中ニ長谷寺ハ開闢ヨリ以來勝地神明發願ノ精舍也ト奏ス仍七年七月廿七日詔ヲ下ノ當寺ノ靈驗建立ノ次第ヲ御尋有同八年ニ天神并當寺ノ俗別當三



綱緣起秘記ノ二卷ヲ以奏ス

廿八日癸未相模召合事

西宮記云寬平七年七月廿八日召合

西宮抄云寬平七年七月廿八日節代左數甚多而取後乎右勝爰右先奏納蘇利左次因數々勝欲進拔頭式部卿本康親王令止云先例因取後手勝右奏勝樂後左奏羅龍王云云於是改新樂亂聲奏龍王也

八月小 乙酉朔

五日己丑大安寺司進建立緣起事

大安寺緣起云中天竺舍衛國祇園精舍以兜率天宮爲規模焉大唐西明寺以彼祇園精舍爲規模矣本朝大安寺以彼西明寺爲規模焉寺者在大和國添上郡其寶塔華龕佛殿僧房經藏鐘樓食堂浴堂內外重構不遺具記其自小及大蓋起於上官太子熊凝精舍矣太子者用明天皇之第二子也用明天皇崩崇峻天皇立崇峻天皇崩推古天皇立推古天皇者用明天皇同母妹上官太子叔母也太子生而能言甚有聖智及壯一聞十人之訴一辨明兼知未然習釋教於高麗僧惠慈秘奧之文莫不貫綜矣是以父天皇特敬愛令居南上殿上官之名自此而得矣推古天皇廿五年丁丑太子爲知將來入定即便奏天皇曰

後代帝王多可短祚非佛法力何敢救護願建一精舍於熊凝村修種々佛事護代々皇位矣廿九年辛巳太子薨于班鳩宮其將薨之時天皇聞而慙之勅田村皇子屢問太子病其勅曰朕聞太子寢疾將遷他界每加慰問言與涕並痛哉哀乎其難再遇若有所願朕將隨之太子報天皇曰臣幸以宿恩忝生皇門欲報之德昊天罔極况非其器久執朝柄聖恩未酬浮生將盡以此爲思亦無所願但欲以熊凝精舍獻朝廷或大寺是只保護皇胤之故也又私語皇子曰善哉皇子是我姪男滿朝群臣濟々之中汝銜勅命來而訪我以此精舍又附屬汝將令汝子孫世々繁昌矣是皇子稽首再拜謹承其旨只以所報還奏天皇天皇且悲且喜欲起熊凝精舍以成大伽藍矣推古天皇崩舒明天皇立天皇田村皇子也時人以爲皇子信受上官太子遺記之故自得佛力登帝位也天皇踐祚之初百濟河側擇勝地移精舍號曰百濟大寺復以封邑三百戶良田二百町種々財寶一々施入令諸惠衆學侶集住于寺中矣爾時造寺司等多伐社樹社神恚怒放火燒寺天皇愁悶之間寢膳乖常遂崩于百濟宮矣及崩以寺付屬皇極天皇天皇即位令造寺司阿倍椋穗積百足等遵先帝遺旨日夜營造之天皇以寺付屬孝德天皇天皇且營寺院且造佛像天下之政更無他事孝德天皇崩齊明天皇立此天皇者前皇極天皇復更即位也及崩付屬天智天皇天皇造寺之間又造丈六釋迦佛像并脇立菩薩等像安置于寺中矣天皇造立佛像之初臥錦帳



成祈念其曉有二女來自天上容貌端麗香氣遍滿禮拜此像供養妙花讚嘆良久謂天皇曰今見此像好相已具與靈山寶相毫釐無相違可謂此土衆生甚有清信其言未終飄然入雲又開眼之日瑞應不一紫雲滿空妙音沸天等是也天智天皇崩天武天皇立天皇即位二年任造寺司大紫冠御野王大錦下紀訶多等移伽藍於高市地矣施加封邑七百戶公田三百町刈稻卅万束等改名大官大寺矣後十三年天皇不豫於是東官草壁皇子尊奉勅率諸王臣百官人等共往詣大官大寺各發願曰天皇御願欲於此伽藍開大法會矣而其願未企髮駕將出縱雖定業願延三年御壽令遂此大願矣于時天皇得善夢延寶算如其所願三年之間刻鏤佛像繕寫法文開大法會之後崩于藤原宮矣持統天皇相傳興隆資財奴婢種々施入又加銅數千斤改舊鑄洪鐘開一日齋會度千口沙彌持統天皇崩文武天皇立起九重塔施入七寶物又於寺內度五百人追感天智天皇御願欲造丈六尊像招求良工未得其人天皇合掌向本尊發願曰願遇木聖奉刻金容其夜有一沙門謂天皇曰往年造此像者是化人也非可重來雖有良匠猶有斲斧之蹟雖云畫師豈無丹青之訛宜以大鏡懸於佛前拜其映像其映像則非圖非造三身具足見其形者應身之體也窺其影者他身之相也觀其空者法身之理也功德勝利無過斯焉天皇覺而歡喜知如來之應願即以大鏡懸於佛前請五百僧設大供養其後元明天皇飯高天皇代々相傳憶瞻

寶蓋田園奴婢種々施入和銅三萬庚戌移伽藍及丈六佛像等於平城聖武天皇奉遵先帝遺詔日夜紹隆此寺遍降綸命搜求良工時有稱沙門道慈者奏天皇曰道慈問道求法自唐國來聖朝但有一宿念欲造大寺偷圖取西明寺結構之體天皇聞而大悅以爲我願滿也天平元年己巳更勅道慈改造此寺即以道慈補律師兼賜食封一百戶褒賞有員不具記之二七年間營造既成天皇歡悅開大法會施入三百町水田得度五百人之沙彌十七年乙酉改大官大寺以爲大安寺詔曰令天下大平安樂之義也同國復有東大西大兩寺故俗呼爲南大寺焉外從五位下行左大史兼春官大屬壬生忌寸望村去七月十七日仲備遣唐副使從五位上守右少辨兼行式部少輔文章博士讚岐介紀朝臣長谷雄傳宣中納言兼右近衛大將從三位行春官大夫藤原朝臣時平宣奉勅宜須令大安寺司等勘申彼寺建立代々緣起者仍令勘出從流記十二卷中准知弘仁、年承和八年之宣旨等例畧所注進如右寬平七年八月五日都維那傳燈法師位恩寬寺主傳燈大律師位朝俗上座傳燈大律師位恩成別當傳燈大律師位壽令俗別當遣唐大使中納言從三位兼行左大辨春官權大夫侍從菅原朝臣

十六日庚子大納言能有兼民部卿事

公卿補任云大納言正三位源能有左大將東官傳八月十六日兼民部卿按古今集目錄又載之而不注



十七日<sup>辛</sup>聽男乘車事

政事要畧云寬平七年八月十七日宣旨稱奉敕聽男乘車

廿一日<sup>乙</sup>藤原忠平元服事

尊卑分脈太政大臣基經四男忠平母正一位彈正尹人康親王女元慶四年<sup>庚</sup>生寬平七

八廿一叙正五下元服按公卿補任  
誤為十一日

本朝文粹云無位藤原朝臣忠平有可正五位下中務先功名臣後胤遺種非唯悅當時之

器量亦感曩日之附託宜授爵命用異寵榮可依前件主者施行寬平七年八月廿一日紀

言作按朝野  
群載又載之

廿五日<sup>己</sup>左大臣融薨事

一代要記云源融左大臣從一位母正五位下大原全子寬平七年八月二十五日薨年七

十三號河原左大臣按公卿補任扶桑略記歷代皇紀古今集目  
錄為七十四源氏系圖帝王編年記同本書

公卿補任云源融嵯峨天皇第十二源氏母大原全子弘仁三壬辰生淳和帝為子按古今  
錄

作弘仁十三年壬寅生承和五年十一廿七正四下加元六年閏正月二日侍從同八正十

二相摸守九年九月八日遷近江權守十四年正月近江守十五二十四右中將同月日美

作守嘉祥三正七從三位五月十七日右衛門督仁壽四八月日伊世守齊衡三年九月任

參議兼右衛門督已上  
尻付

續日本後紀云承平五年十一月辛巳皇太子於紫宸殿加元服是日亦源朝臣融於內裏

冠焉仁朝天皇抽筆叙正四位下嵯峨天皇第八子大原氏所產也賜之天皇命為子故有此叙

六年閏正月乙酉以正四位下源朝臣融為待從九年九月己亥以正四位下源朝臣融為

近江守十四年正月己酉正四位下源朝臣融為近江守嘉祥元年二月甲辰正四位下源

朝臣融為兼右近衛中將美作守如故三年正月丙戌授正四位下源朝臣融從三位

文德寶錄云齊衡元年八月庚辰從三位源朝臣融為伊勢守右衛門督如故

公卿補任云天安二年正月十三日兼備中守十一月十九日叙正三位貞觀二年正月十

六日兼近江守右衛門督如元五年二月十日遷左衛門督近江守如元六年正月十六日

任中納言三月八日兼按察使十一年正月十三日去之十二年正月十三日任大納言十

四年八月廿五日任左大臣十五年正月七日叙從二位同十三日兼東宮傳十八年十一

月廿九日止傳受元慶元  
元慶元十九年正月三日叙正二位御即位日  
坊官實元慶八年二月五日勅給帶劔

三代實錄云貞觀元年正月十三日庚午參議從三位行右衛門督源朝臣融為備中守右

衛門督如故十一月十九日庚午加參議從三位行右衛門督兼備中守源朝臣融正三位



二年正月十六日丁卯參議正三位行右衛門督源朝臣融為近江守右衛門督如故十一月三日己卯詔參議正三位行右衛門督源朝臣融賜大和國宇陀野為臂鷹從禽之地五年二月十日癸卯參議正三位行右衛門督兼近江守源朝臣融為左衛門督近江守如故六年正月十六日癸卯參議正三位行左衛門督源朝臣融為中納言三月八日甲午正三位行中納言源朝臣融加陸奧出羽按察使本官如故八年十一月廿九日庚午勅聽正三位行中納言陸奧出羽按察使源朝臣融鷹三聯鶴二聯十二年正月十三日丙子於紫宸殿前拜大臣以下參議以上策命曰正三位源融朝臣波大納言官手任賜十四年八月廿五日癸亥策命曰大納言正三位源融朝臣波久朝政爾經奉天至今時未無怠緩亦於朕天近親爾在又可奉波資爾在爾依天左大臣官爾治賜布十月六日癸卯正三位守左大臣源朝臣融抗表辭職優詔不許十七日甲寅正三位守左大臣源朝臣融抗表不省廿一日戊午左大臣重抗表曰中使左近衛少將藤原朝臣有實至奉勅旨還臣辭謝大臣之表伏願上慮天心下審人議濟臣之欲陷水淵願臣之必傷糞土不許焉廿五日舌戌左大臣重抗表伏願曲昭丹翹俯降洪澤退徵臣新命之職全陛下舊資之恩十五年正月七日癸酉進正三位守左大臣源朝臣融階加從二位十二日己卯左大臣從二位源朝臣融為兼東宮傅四月十六日庚戌左大臣從二位兼行皇太子傅源朝臣融上表請還食封千戶

勅答曰至彼滅封之謂苟存利國之義復有舊章不敢排拒朕此意公能順之元慶元年正月三日乙亥進左大臣從二位源朝臣融爵加正二位十二月四日庚午左大臣正二位源朝臣融上表請解職詔不許之二年正月三日己亥左大臣正二位源朝臣融重上表言中使從四位上行右近衛權中將原朝臣業平奉傳綸旨却臣表章實致精誠伏仰天從不意斯言應乖叡慮臣早蒙聖矜許守涯分仍罄愚悃請收茅封苟為公義豈是私情榮枯者天之化也與奪者君之令也人亦万物之一誰不欲雲動之時來臣是何人再三可必辭聖恩之殊寄然君舉必書之載之於彝典所恐虛受之味臣或貽妄于於明主陛下若曲垂恩私不責臣以尸居臣又恐於明時與巷歌於鼠食夫雨以潤之風以散之皆是陶化局不生或臣誤食場苗昂低年深乃願浮雲心魄日駭伏望特降玄鑿重合聖慈不留綸降便可臣請不勝驚懼切迫之至謹再奉表陳請以聞詔不許焉八年二月四日乙未太上天皇遷御二條院遜皇帝位焉五日丙申親王公卿引文武百官奉迎天皇即日駕輿入御東宮將出官未御駕輿之前太政大臣基詣宮奉問起居解却太上天皇勅賜之劍腰底既空兵部卿本康親王左大臣源朝臣融先侍猶尚帶劍乍驚相見各自解之天皇即時敕賜三人帶劍六月十日己亥天皇御紫宸殿神祇官大副從五位上大中臣朝臣有平昇殿讀奏御體御卜左大臣正二位源朝臣融行事承和以後是儀停絕是日尋舊式行之左大臣自貞觀十八



年冬杜門不出今日始就太政官侯廳視事按陽成帝在位之間不日視事及帝遜位始就官廳必有故

古事談云陽成院御邪氣大事々御座時依不御坐儲君昭宣公親王達ノ許へ行迴ツ

事ノ體ヲ見玉フ小松帝光孝于時式部卿ノ御許ニ參玉ヒタリ此親王コソ帝位ニ即セ給

ントナ御與ヲ寄オリ依此事陣定ノ時融左大臣嵯峨天皇有帝位ノ志云被尋近皇

胤者融等モ侍ルト云々昭宣公ノ云雖爲皇胤給姓只人ニテ被仕ヌル人即位ノ例如

何云々融卷舌止按融自貞觀末杜門不仕何得預此議及迎光孝帝先詣小松宮不似曾出此語者即知傳說之妄也然大鏡又載之仍始抄于此

公卿補任云仁和三年十一月十七日叙從一位御即位五年十一月十九日敕聽乘輦車出

入官中按古今集目錄爲十月九日寬平二年七月廿二日聽腰輿六年七月敕許車按目錄爲一日七年八月

廿五日薨年七十四號河原左大臣

神皇正統記云嵯峨の御子姓を給ひし人二十一人此中大臣ふのなる人常は左大臣

兼大信の左大臣融の左大臣

古今集云五節のあしゑにかんざし玉のれちたりける被てたかならんととむ

らひてとめる河原の左のねはいまうちきみぬじやたれとへとあら玉いとなくよ

さらひなへてやあそととれもはん

後撰集云貞觀御時ゆみのとさつかうまつりけるよ河原左大臣けふさくらまつく

よ我身いさぬせんかあめよさそふ風だこぬまふ

三代實錄云元慶四年八月廿三日甲辰太上天皇和遷自水尾山寺御嵯峨棲霞觀以水尾

有營造佛堂也詔授左大臣源朝臣融家令正六位上伴宿禰枝雄從五位下棲霞觀者左

大臣山莊也故有此賞也

花鳥餘情云棲霞觀ハ左大臣融公の山庄也後お寺おなりて棲霞寺といふ今乃清涼

寺乃東よあるなこ堂是なり

醍醐雜抄云河原左大臣融公ノ別業宇治ノ郷ニアリ陽成天皇シハラク此所ニ御座

宇多天皇朱雀院モ領シ玉ヘル所也承平ノ御門非皆爰ニテ御遊獵アリ其後六條左大臣

雅信公ノ所領タリシ長德四年十月ノ頃御堂關白道長此院ヲ買取テ同五年人々宇治

ノ家ニムカヒ遊ナトアリ宇治關白道長ノ御時承承七年寺トヌ平等院ト號ス

拾芥抄云河原院六條坊門南萬里小路東八町云々融大臣家後寬平法皇御所本四町

京極西號東六條院

伊勢物語云むかし左のねはいまうち君いまそかりけりかも河乃邊に六條こさり

お家扱いとおもひるく作りて住給ひけりかこな月のつこもりあさ菊の花うつろ

ひさよりなるに紅葉のちくさよこゆるをりこあたればしまさせて夜一よ酒の



こゝあそひて夜あけもてゆくふとに此殿のれもころきをかむる歌とをそこよ有  
ける七兄る兼平翁板鋪のちよふとひあてきて人あこなよませとてくをめる鹽のまに  
いつらきにけん朝なきよほとする船をまよとらなん

貫之集云河原乃左大臣うせ給ひてのちよいとりてあはるほといひし所れさまの  
あそよたるをこてをめる君はさてあふりあえよとあはるほのうらさむとくも見  
え渡る哉

古今集云河原乃おぢいもうちまきこれこまかりて秋かの家のほとりをほりりけ  
るに紅葉の色まよぬりくもならさどなるを見てかの家よよこていきたりなる近  
院れ右れははいまうち君打はげよさひとくもあるくもこみちとぬしなき宿ハ  
色ありりけり

和漢合符云融大臣者爵祿過人以故浮華豪奢世少比問或云日域之中佳境問答曰莫  
如奥州鹽竈浦乃說其風景融慕之欲撰寫即於家庭鑿池納潮築島植樹乃至鹽竈燒鹽  
以象海嶠之景蓋其潮者使役夫數百人自尼崎浦運之每月以百文相繼而運其池今河  
原院是也

今昔物語云今ハ昔川原院ハ融ノ左大臣ノ造ヲ住給ケル家リ陸奥ノ國ノ鹽竈ノ形ヲ

造ヲ潮ノ水ヲ汲入テ池ニ湛ケリ様々ニ微妙ノ可咲キ事ノ限ヲ造ヲ住給ケル其  
ノ大臣失テ後ハ其ノ子孫ヲ有ルケル人ノ宇陞ノ院ニ奉ケル也然ハ宇陞ノ院其川原院  
ニ住セ給ケル時ニ醍醐ノ天皇ハ御子ニ御ハ度々行幸有テ微妙ケリ然テ院ノ住セ給  
ケル時ニ夜半許ニ西ノ臺ノ塗籠ヲ開テ人ノソヨメキテ參ル氣色ノ有ハケレ院見遣セ  
給ケル日ノ裝束直ニ人ノ大刀帶ヲ笏取長リ二間許去テ居ルケレ院彼ハ何ニ  
人ト問セ給ケル此ノ家ノ主ニ候フ翁也ト申ケレ院融ノ大臣ト問セ給ケル然ニ候  
ト申ス院其ハ何ト問セ給マヘ家ニ候ハ住候ニ此ノ御ハ忝ク所ク思給ル也何カ  
可仕ト申ハ院其ハ系異様ノ事也我ハ人ノ家ヲヤ押取テ居ル大臣ノ子孫ノ得ルハ  
ハ住メ者ノ靈也ト云ヘト事ノ理モ不知ス何ヲ此ハ云ト高ヤカ仲セ給ケル靈極  
消ッ様ニ失リケ其ノ後亦現ル事無ケリ其ノ時ノ人此ノ事ヲ問テ院ソ忝ク申ケル  
又見字治  
拾遺物語

伊呂波字類抄云本朝文集云夫河原院者弘仁先朝第十二皇子左丞相融公之甲第也  
相府在世之間窮風流之體擅遊蕩之美疊山巖草木比其枝鑿池湛水魚鳥戲其波調  
管絃於仙臺翫文籍於月殿寬平法帝脫之後時々遊覽焉勝地再逢主幽境重得時厥  
後早改蓮府之號更爲花界之砌鍾磬懸兮增地勢之幽奇幡蓋飄兮從天然之形勝云々



續古事談云河原院ハ融左大臣ノ家也臺閣水石風流ヲツクシテ造リ磨キテ住給ケ  
リ失給テ後其御子宇多法皇ニ奉リテ時々ワタリ給ヒケリ彼大臣ノ靈止リ住キコ  
エアリケレハニヤ常ニハ住給ハス大臣ノ拔苦ノ爲ニ誦經セラレタル事アリ其後  
佛閣ニナリニケリ仁康聖人ト云者知識ヲ勸テ丈六ノ釋迦佛ヲ造テ此所ニ居タテ  
マツリケリ假堂ヲ作テ始テ五時講ヲ行フ其後此所鴨河水ミナキリ入テ苑池悉ク  
水底ニナリヌヘカリケレハ上人廣幡院ニ移作ケリ按帝王編年記以仁康爲融三子  
然移佛像於廣幡院是長保二年  
之事與此年相去  
百餘年必有誤

十訓抄云河原左大臣亡靈延長八年之頃按八當  
作四寬平法皇ノ官人ニ託シテ我在世ノ

時殺生ヲ事トスルニヨテ苦報ヲ受ル由申サレケレハ法皇勅答アリテ其爲ニ七ケ

寺ニシテ諷誦ヲ被修ケリ御願文紀在昌ソ作ケル朕昔爲握符之尊卿亦爲和羹之佐

合體之儀重於曩時滅罪之謀須迴於今日按本朝文粹載此願  
文在延長四年七月

攝州西成郡太融寺文書云當寺者河原左大臣融公之草創一天不二靈場也依有心願

寄附攝州倉橋莊一分祈天下太平并欲遂二世安全之願依寄附狀如件建武元年八月

朔日御判森氏

廿八日壬子故左大臣贈位事

公卿補任云左大臣從一位源融八月廿五日薨同廿八日詔賜正一位

九月大甲寅朔

七日庚申史生石上邦雄爲後院使間給上日事

類聚符宣抄云史生石上邦雄被大納言源卿宣云件人遣後院使宜給上日者寬平七年

九月七日少外記多治宗範奉

九日壬戌重陽宴事

菅家文章重陽侍宴同賦秋日懸清光應製天下無爲日自清今朝幸遇再陽并深追合璧

韻官徹遠任孤輪鳥路平萬里如逢塞續望黎民欲慰戴盆情微臣俯仰依明德心比秋葵

且暮傾

十日癸亥重陽後朝事

菅家文章重陽後朝同賦花有淺深應製十步花明一點燦葉々不得色相承夜風豈有吹

濃淡寒露應無潤愛憎蘭爲送秋深紫結菊依臨水淺黃凝榮華物我皆天授時去時來罷

不能

廿七日庚辰禁郡司百姓私物稱官家物事

類聚三代格云太政官符應禁制郡司百姓私物假稱官家物并科責不受正稅不輸田租



之輩事右得美濃國解併凡諸國例分配郡司充租稅調庸專富駝使士浪差進官雜物綱  
丁若有損失官物取預人私物填納其欠負而此國人心多巧唯事奸欺至于欠失官物國  
司沒其私物臨欲運納官舍忍就官家假為寄進請其家牒送於富國或云是家之出舉物  
或云寄進借物之代或時懸札或時打杭如此違濫不可勝計國司詳知非家物為恐權勢  
擊目開口是故官物已致未進國宰罹其負累國之難治莫大於斯焉望請元來無由稱其  
家物者雖有家牒不更許容然則部內肅清官物全納謹請官裁者大納言正三位兼行左  
近衛大將皇太子傳民部卿陸奧出羽按察使源朝臣能有宣奉勅依請又如聞諸司雜任  
以上王臣僕從之中居住部內業同編戶之輩或假威本主或寄事本司春給正稅則乍置  
官舍涉月不受秋徵田租亦爭運獲稻過期無輸如此之類不論士浪任理勘責不得許容  
若遂不順國郡之教諭事須具錄其本司本主急以言上隨事科罪國司忍而不言同加重  
責諸國准此寬平七年九月廿七日按政事要  
略又職之

十月小甲申朔

六日記從三位基棟薨事

一代要記非參議部云平基棟元從三位寬平七年十月六日薨按父祖  
無所見  
公卿補任元慶八年下云非參議基棟王左京大夫二月叙從三位大夫如元

三代實錄云貞觀二年十一月十六日壬辰授散位從四位下基棟王從四位上三年正月  
十三日戊子散位從四位上基棟王為下野權守五年二月十日癸卯從四位上行下野守  
基棟王為越中守

類聚國史云元慶三年十一月廿五日庚辰授從四位上行右京大夫兼山城權守基棟王  
正四位下

三代實錄云元慶八年二月廿三日甲寅授正四位下行右京大夫兼山城守基棟王從三  
位仁和元年正月十六日壬申從三位行右京大夫基棟王為刑部卿

十七日庚子臨時仁王會事

菅家文章臨時仁王會咒願文國主皇帝歸命頂禮仁王般若波羅密多發願無邊所以者  
何太宰府奏水鳥之妖攝津國言兩頭之犢兵庫器鳴官廳鷲集天上變徵禁中恠異神宣  
人語所告云々流星夢想所見種々咨之卜筮考之陰陽或水火災或兵賊難或藥動患或  
不祥媒雖為一人雖為萬民雖為近處雖為遠方如是等禍惣可怖畏是故作念亦復迴慮  
至心懺悔三業六根合掌歸依十方諸佛寬平七年孟冬十月十有七日庚子良辰自大極  
殿至朱雀門一十六堂百八十僧幡蓋莊嚴香花供養鐘磬連響梵唄合聲講演百座朝夕  
二時緇素同心見聞隨喜心不貳心欲滅災難念無餘念欲除憂患未然降伏轉禍為福在



前護持變凶爲吉復有今秋五穀纒熟大乘力故願全收穫乃至永年風雨順時疫癘無起天下安穩大鐵圍下恒沙界中知之不知同昇覺道

廿六日己酉播磨權守高藤等任參議事

公卿補任云藤高藤寬平四年正月廿三日任播磨權守六年正月三日叙從三位七年十月廿六日任參議權守如元源希寬平五年正月廿一日叙從四位下二月廿二日右大辨六年正月十六日兼左中將十二月十五日兼侍從七年正月十一日兼播磨守十月廿六日任參議辨中將守侍從如元源昇寬平五年正月廿一日叙從四位下二月廿二日左中辨十二月十五日兼侍從七年十月廿六日任參議辨侍從如元按又見一代要記

權少僧都益信等轉任事

東寺長者補任云權少僧都益信法務十月廿六日任權大僧都按歷代皇紀又載之

古今集目錄云幽仙寬平二年十月二日任權律師七年十月轉正按任日無所考姑以類附此下濟棟亦同

東大寺別當次第云傳燈大法師濟棟寬平七年任律師

僧綱補任云寬平七年今年律師十三人初例也

廿八日辛亥改延曆寺度者授戒期事

類聚三代格云太政官符應四月十五日以前行授戒事右得延曆寺牒併被太政官今年

三月七日下午當寺牒併如聞寺他宗應得度者各就便宜可下宣旨直預彼寺授戒論之正道理不可然大納言正三位兼行左近衛大將皇太子傳陸奧出羽按察使源朝臣能有宣奉勅凡天台宗年分之外臨時度者寺家具注官符日月依山師主二月以前直甲送官更待符到三月之內令授戒畢自今以後永爲恒例者謹案牒旨二月言上之制雖限臨時度者而三月授戒之期未降年分度者若以年分准臨時者授戒之期太早若令臨時隨年分者舊格之旨得宜伏檢去員觀八年閏三月十六日格云寺家牒併太政官去年三月十五日下治部省符併檢舊例年分度者經二箇年臨時度者經三箇年然後令受戒者然而山家年分既異諸宗得業以後何更經年凡年々試度年々受戒謂之年分若不爾者恐有所關伏冀伏先師式當年授戒則開山門誓護國家又雖臨時度者不必經三年縱雖少年而廿歲以上才行兼備堪爲僧者方加試練同聽登壇謹請處分者右大臣長相宣奉勅年分度者依請自餘一同去年三月十五日符者寺依格旨行來無關又於臨時度者應受戒者皆依宣旨乃聽登壇而今官牒下寺制依宣旨而授戒禁遏三月以後授戒官牒之旨叙有理致但三月受戒之期於東寺甚早也所以然者當寺年分總一十人皆是先皇御願也就中二人奉爲大小比叡兩神三月十七日試度之二人奉爲賀茂春日兩神三月廿五日試度之然則餘程無幾或月已迫凡年分學生等幼稚離鄉長大住山各勤學業更無他計纔預度



例乃求戒具染縫三衣買備一鉢非是管一二日之功授戒何畢三月之內因茲欲令二人待後年者得度既屬神分授戒豈闕年料望請官裁當寺授戒之事准於貞觀七年三月十五日格四月十五日以前定戒日行之又臨時度者與年分度者同日令受戒並十六日結夏安居鎮護國家者大納言正三位兼行左近衛大將皇太子傳民部卿陸奧出羽按察使源朝臣能有宣奉勅依請寬平七年十月二十八日定時奏內豎闕怠罪事

侍中群要云寬平七年十月廿八日別當宣云時奏內豎有一刻之闕怠者奪先勞五日之例載在所式而不守式例重致闕怠自今以後闕一刻者即停日給令候十日闕二刻者除時奏帳闕三刻者削上殿之名闕一時者永從解却若有不奏當刻後奏刻外者奪先勞十日立為恒例

廿九日壬子左近中將敏行等補藏人頭事  
一代要記云藏人頭藤敏行從四位下左中將寬平七年十月二十九日補同八年四月依不仕解之按古今集目錄為右近權中將在原友于從四位下修理大夫敏行同日補十一月大癸丑朔

二日甲寅停伊豫國史生一員置督師事

類聚三代格云太政官符應停史生一員補督師事右得伊豫國解備夫兵器之要莫先於督而所有之弩機牙差誤望請廢史生一員置督師者大納言正三位兼行左近衛大將皇太子傳民部卿陸奧出羽按察使源朝臣能有宣奉勅依請寬平七年十一月二日七日己未停遙授官僚仗事

類聚三代格云太政官符應停止遙授陸奧出羽按察使太宰帥等僚仗事右中納言兼右近衛大將從三位行春宮大夫藤原朝臣時平宣奉勅遙授官員不赴國府凡其僚仗於事無益自今以後宜從停止寬平七年十一月七日禁五位以上前司住本任國并出畿外事

又云太政官符應禁五位以上前司留住本任國并輒出畿外事右案承和十五年五月十五日格得勘解由使解備太政官去承和九年八月十五日下午太宰府符備大貳從四位上藤原朝臣備奏狀備交替務畢未得解由之徒寄事於格旨留住管內常奸農商役漁百姓巧為奸利之謀未觀填納之物望請交替畢更早從入京者右大臣宣奉勅依請者今檢太政官去弘仁十三年八月廿五日符備右大臣宣奉勅諸國司等在任之吏唯拘解由無意徵物去職之人自推難填不愁拘留官舍罄空職此之由今須交替之日犯用欠負損失之物隨即徵物役身勿更延引物填役畢乃聽放還者然則欠負之輩未得解由之間輒不



可入京若爲處分謹請官裁者同宣奉勅宜停止後符依前格行之但情樂留住不填欠負所行乖憲爲物所愁具狀言上隨即科處者中納言兼右近衛大將從三位行春官大夫藤原朝臣時平宜奉勅夫五位以上資俸稍寬故不入無財之限役身折處豈同六位自今以後被申不與解由狀依承和九年格早從入京不得留住本國輒出畿外若有違犯者所在官司具錄言上隨將科責寬平七年十一月七日

十六日戊辰新嘗會事

政事要畧新嘗會條引承平四年吏部王記云右大臣語次陳云昔寬平七年有間命平敷之故事其後此事已絕彼時爲中將供奉出居勅召書司即就障戶下召之書司稱唯仰云御手奈良之方爲禮書司即取朽女倭琴出障戶則取轉置之御前爰召堪事王公有遊宴

云々按據公卿補任古今集目錄中將當作少將蓋傳寫之誤也

十二月大發米朔

三日乙酉大納言能有爲五畿內諸國別當事

公卿補任云大納言正三位源能有左大將東宮傅民部卿十二月三日爲五畿內諸國別

當

禁五位以上及孫王輒出畿外事

類聚三代格云太政官符應禁正五位以上及孫王輒出畿外事右大納言正三位兼行左近衛大將皇太子傅民部卿陸奧出羽按察使源朝臣能有宣奉勅五位以上及孫王不出畿外之制先建憲章從行尚矣今如聞畿內百姓愁嘆無極公事私業或失其勤試遣使者畧問部內所申雖多其尤甚者權貴雜居動爲煩苦宜禁止件輩輒出稍慰民意唯高年送老之徒痼病就醫之地各量穩便可有處分者仍須七十以上并宿病羸弱或逐療治之便或立終焉之謀者申牒國司依實修解被報符後聽任居住國司若不據實處之科責曾不寬宥但山城國內東至會坂關南至山崎與渡泉河等北涯西至攝津丹波等國堺北至大兄山南面不在制限大和國春日社二月十一月祭典福寺三國忌齋會按三下疑脫月字是桓武皇后藤原乙牟漏三月十日國忌也同寺十月維摩會藥師寺三月最勝會等應參氏人及散位諸司五位以上其人有限臨期直參又諸人氏神多在畿內每年二月四月十一月何廢先祖之常祀若有申請者直下官宣如此之類往還程不得任意留連經日遊蕩其違越者錄名言上處違勅罪寬平七年十二月三日

九日辛卯停越中國史生一員置督師事

類聚三代格云太政官符應省史生一員置督師事右得越中國解備此國有督無師不習機發若有不虞卒爾何爲望請省史生一員置督師者大納言正三位兼行左近衛大將皇



太子傅民部卿陸奧出羽按察使源朝臣能有宣奉勅依請寬平七年十二月九日

十三日乙未令權律師聖寶授灌頂於觀賢事

密宗血脈抄觀賢僧正傳云或記云寬平七年乙卯十二月十三日乙未鬼宿木可授灌頂

之由給官符聖寶即日於東寺灌頂道場傳授師主年六十四位權法務律師

廿二日甲辰令檢非違使反坐誣告人事

政事要畧延長七年官符云太政官去寬平七年十二月廿二日給使等符檢非違使別當  
當中納言兼行左衛門督源朝臣光奏狀檢非違式云凡使之所掌准彈正事并依臨時  
宣官行之又條云諸司諸衛及諸家官人以下雜色以上等若有犯過者禁其身經本司又  
條云盜人不論輕重停移刑部別當直着鈇配役所令驅使如官當為贖各依本法自餘犯  
並從常律臺式云聞官司枉判及閭里犯法者追所由人勘問其由得實應奏者隨即奏公  
式令奏彈式云親王及五位以上有犯應須糾劾而未審實者並執狀勘問不須推拷事大  
者奏彈非應奏及六位以下並亂移所司推判義解云凡彈正是糾劾之職非科斷之官即  
不限有位無位皆不須推拷者按此等文使等所掌非管准彈正之事兼仍追禁推拷之法  
然則至准彈正須自見及風聞即糾彈其犯但不可禁拷反坐於從常律禁拷反坐不可習  
臺事因斯言之所掌相兼執行亦多是則為早糾人犯忽決其罪也而今或使等論云既云

准彈正事者爰知不可反坐誣告之人比年所行亦復如之者方今嫌惡之輩為報私怨偽  
注他犯告使所隨即追禁犯人推鞠之間又苦禁獄遂不承伏之日僅反問告人于時所告  
之事是既虛也須依法反坐而偏稱准彈正事直從放免无更反坐因茲檢非違使之職還  
正事為招誣之府非據行法令何以絕此亂計檢獄令云告言人罪非謀叛以上皆令三審  
若事有切害者不在此例其前人合禁告人亦禁辨定放之注云切害謂殺人賊盜逃亡若  
強奸良人及有急速之類闢訟律云誣告人各反坐注云反坐致罪准前人入罪之法又條  
云被殺被盜及被水火損敗者雖虛皆不反坐斷獄律云拷囚限滿而不首反拷告人其被  
殺被盜家口親屬告者不反拷注云被水火損敗者亦同者按此等文告謀叛以上及切害  
者不令更三審即禁告人前人推勘之日若誣告者隨即科反坐除此以外必令三審若誣  
告者亦同處反坐但被殺被盜之家口親屬非故誣告不可反坐今使等多糾切害之事非  
有官旨无理訴訟之輩仍告切害之日不令三審即以禁推前人若有誣告者須從反坐而  
專稱准臺之詞直不坐誣告之人准檢法意理不可然望請處分自今以後若有誣告者將  
處反坐然則妄愁自絕使務亦正但先告禁人者恐告實之輩有所憚亦望若有告切害者  
依舊例先追前人後禁告人又依臨時官旨追勘之中若有可令三審之色不更三審速以  
禁推若有誣告隨即反坐其不可反坐之類雖有對問不更禁告人者大納言正三位兼行



左近衛大將皇太子傳民部卿陸奧出羽按察使源朝臣能有宣奉勅依奏全文在延長七年九月

廿九日辛權律師聖寶任東寺長者事

東寺長者補任云權律師聖寶權法務十二月廿九日補二長者

三十日壬依雨雪停明年朝賀事

平戶記云寬平七年十二月晦依雪明日朝賀停止云々

是年定宇佐宮司門地事

宇佐宮託宣集云寬平七年乙卯應大少宮司大神宇佐二氏正胤銓擬事右寶龜四年大神託宣并太政官同八年七月九廿日符併右大臣宣奉勅在豐前國宇佐郡八幡比咩神社預大神朝臣比岐氏永為社祝大宮司禰宜門地以宇佐公池守氏宜為少宮司副門地雖同姓之大神宇佐以官民氏不可混合任神社預令為上下之亂又太政官去四月廿三日符并貞觀十年九月十四日下諸道符併諸國所行專忘格旨偏稱氏人并神戶擬補課丁論之政途事乖公平被大納言正三位藤原朝臣氏宗宣併是氏人并神戶先八位已上六十已上堪事者无其人乃擬年少每社勘定其氏言上永備計會无致違濫者而雖經數年未勘申因茲擬補解文頻從返却右大臣宣奉勅宜更仰早令勘申若重延怠處怠事稽留科都不寬宥勿令致濫望若雖有競望輩以大神正胤擬補言上者宜承知依宣施行

高雄年分於本寺令試度事

東寶記寬平九年官符云承和二年依大僧都空海表准三密法門初置真言年分三人爾後每年九月廿四日仁明天皇降誕之晨於金剛峯寺試之降及仁壽三年依少僧都真濟表准六度加三人但不由真濟於神護寺寶塔所試業剃髮之請即傳法阿闍梨與付法證師於東寺不論前後同共二月以前試畢前三人者改先定日仁明先帝國忌三月廿一日於金剛峯寺度之後三人者每年四月三日於神護寺度之至元慶六年依權律師真然等牒更下官符併金剛峯寺勾當老宿等簡其學業優長心行整齊者相共手署送達東寺持之每歲課試專盡高野之人不關他寺之眾同八年依權少僧都真然奏狀試度被復南嶽但旁盡三密之家不限一山之侶仁和五年依權大僧都真然奏狀件年分於高野專試度高野之分去寬平七年新下格制神護寺年分三人於彼寺二月以前試度之然則承和官符之後金剛峯寺試度共行之仁壽勅旨以降在東寺試之歸兩山度之元慶八年之格雖復試度於高野遍求學生於本宗仁和五年之制於金剛峯寺獨試度一門之後其仁壽所課之三人則寬平遂任神護一寺全文在九年六月

大僧都祥勢入滅事

東大寺別當次第云傳燈大法師祥勢宗貞觀十三年閏八月十四日任年六十九膺四十五本寺真神秩滿



晉十四年世不羈皇子於天地院施入田園有數寺務四年貞觀十三元慶五年八月十九日任年七十八膺五十四安軌死嗣之替還着○按據貞觀十三七年十月七日任律師寬年六十九之文此年正七十九夏膺亦違一年未知孰是平元年九月廿五日任少僧都二年十月二日任大僧都寺務八年元慶五六七八仁寬平七年入滅

三代實錄云元慶七年十月七日庚子以傳燈大法師位祥勢為律師



